

Yohananni ɏiadzadkhanni Gamoe Nastshul.

Yohananni speche skor.

Tsoo Yeshui skutshabs Yohananni i speche nañja miñ dia madzadda, khoñrañja "Yeshui cespa dzadkhanni lobtugpo" molte dug. I speche ɏitskul dañ sñunme chostshogssi uskyongun gyudte ibo skutshabs Yohananni ɏiadzadte inkhanbo ñadañja hagoanog.

Yohananni i spechabo Yesu ñonste sontea ɏanjste stijne lo 50 nyekhorla dia dzadte innog.

Yesu Konchoggi ldamma dzadkhanni Mashika dañ khoñ Konchoggi şas inkhanboeka ñadañji dadpa khyonces yañ te dadpabo gyudte thamedpe mitshe thobcessi gyuntshanboe phia Yohananni i spechabo dia dzadte innog.

Yohananni Yeshui halasshessi dzadpa soso rdun dañ labcaa rdun ghunni skorla ɏices thagcadda dzads. I labcaa dañ dzadpa ghun ɏelte innog ciazerna labcaa rig dzadpa dzadcespoe cuñste innog yañ parriga labcaa hagocesla dzadpa stanna dzadte innog. I labca dañ dzadpa ghunni, Yesu tsogs suañ mankhan, khoñji dzadkhangun suañ cominyances yañ khoñ ni i jigstenni skyabgon inkhanbo stannanog.

Luskhanni spechaboe nañja Yohananni Yeshui khoñjika dadpa cokhangunla cig dañ cigga camspa cocessi skorla labcaa salkhanbo matshad, Yesu khoñji yabbika namkhaa logste skyodnañ khoñ khoñji lobtuggun nyampo dampe thugnyid gyudte lusshespoeka snañja salte dug..

Mashika, thamedpe ka.

1:1 ne 18

1 ¹ Jigsten chagssi sañ sñunla kabo yodpin.

Te kabo Konchog nyampo yodpin,

Yañ tenna kabo ni Konchog khoñrañ inpin.

² Khoñ gomane pharla Konchog nyampo ɏugste yodpin.

³ Khoñ gyudte Konchoggi citshañma coa dzads,

Khoñ medpaa ciziggañ coa madzad.

⁴ Khoj ni şog tshañma cuñse nassabo innog.

Yañ khoñji mitshe, mitshañme phia od innog,

⁵ I odpoe munđig ldañshan dzaddanog,

Yañ mundiggi teboa phamkal minyan.

⁶ Konchoggi mizig kalla dzads, kabo Yohanan thussalkhan zerradpin. ⁷ Khoj gyudte mitshañme te odpoeka dadpa khyoñcessi phia khoj teboe skorla spañpo tañcesla skyods. ⁸ Yohanan khoñrañ te odpo manpin, innaj khoj te odpoe skorla spañpo salla skyods. ⁹ Mitshañmala od salkhanni te denbe odpo jigstenni nañja skyodda dzadte innog.

¹⁰ Jigsten dzadkhanbo jigstenni nañja skyodteañ, jigstenpagunni khoj ño mashes.

¹¹ Khoj khoñrañji migunnika skyods, innaj khongunni khoñja gasus mazus.

¹² Khoñja gasus žuskhan yañ dadpa coskhanganla khoñji, Konchoggi tügugun gyurcessi ospa thes. ¹³ Te migun, migyuddi žaste ya mi thabsldiñs ya magpažiggi dodpa nañzin manpa, Konchoggi thuggonssi žaste Konchoggi tügu gyurranog.

¹⁴ Te kabo skulusla gyurra dzads yañ ñazagunni ṫoa žugssa dzads. Ñazagunni khoñji zirridpo jal, te zirridpo yabbi şas cincigpo, thugrje dañ denbe gañskhanbo in.

¹⁵ Yohananni khoñji skorla spañpo salte kuco tañin mols, "Khoj ni ñe zerkhan tennabo in, 'Ñe stijne skyodcescanbo ñe sañ tagpo žugste in, ciazerna khoj ñe sañ sñunla žugste yodpin.'"

¹⁶ Khoj thugrje gañste yodcespoe, ñadañgunla thugrjecanni cinlabs ciggi stijne cig thob, ¹⁷ luñstonpa Mozes gyudte Konchoggi kathimsgun ñadañgunla salla dzadte inpin, yañ thugrje dañ denbe lam ñadañgunla Yesu Mashika gyudte salla dzadte in. ¹⁸ Konchog ni suiñ majalla innog, innaj yab Konchoggi snyiñne cespa dzadkhan şas cincigpo, kabo Konchog in, khoñji ñadañja yab sñon cugga dzads.

Yohanan thussalkhanni spañpo.

1:19 ne 28

¹⁹ Yerushalemmi gyalse nañja yodkhanni Yahudape wañsulkhangunni, lamagun dañ Livipagun Yohanannika khoj su in zerte ɏiala lamcugs. ²⁰ Yohananni thetshoms medpa salpo dañ ɏaño mols, "Ña ni Konchoggi ldamma dzadkhanni Mashika man."

²¹ Khongunni Griis, "Tene nyerañ su žugste in, nyerañ luñstonpa Eliya inna?"

Yohananni, "Daa man" mols.

Khoŋgunni Griis, "Tene nyeraŋ Konchoggi kalla dzadcessi khachad coa dzadkhanni luŋstonpabo inna?"

Khoŋji, "Man" mols.

²² Stiŋjugga te migunni khoŋja Griis, "Tene nyeraŋ inbo su in, shoddaj ciazerna ŋazaa, ŋazaa kalkhangunla lantaŋgossad. Nyeranji rajni skorla ci mollad?"

²³ Yohananni luŋstonpa yeshaye molkhan naŋzinla lansals,

"Ristonji naŋja kuco taŋkhanni skadbo ŋa in,

"Tsoo phebscesla lam ɖalɖig cosshig."^a

²⁴ Tene kalkhanni pharushipagunni ²⁵ Yohanana Griis, "Galtes nyeraŋ ldamma dzadkhanni Mashika ya Eliya ya te luŋstonpa manna, tene nyeraŋji thus cia sallad?"

²⁶ Yohananni khoŋgunla lansals, "De migunla chu nyampo thus taŋjad. Innaŋ khyožagunni ʈoa khyože ŋomasheskanni mibo ʐugste yod. ²⁷ Khoŋ ŋe stiŋne skyodin, ŋaa khoŋji ʐabspul phudcessi ospa man."

²⁸ I tshaŋma Yohananni migunla thussalse Yordan Itsaŋspoe shar chogsla yodkhanni Bedthani ɖoŋkhyerla cuŋ.

Yeshu Konchoggi lugu.

1:29 ne 34

²⁹ Thorezugpo Yohananni Yeshu khoŋraŋ chogsla skyodda zigste mols, "Stosshig khoŋ ni Konchoggi lugu, jigstenpagunni sdigpa medkhan coa dzadkhanbo innog.

³⁰ Khoŋ tennabo ʐugste in, kaboe skorla ŋe zerpin, 'De stiŋne skyodcescanbo ŋe saŋ ʈagpo ʐugste in ciazerna khoŋ ŋe saŋ sŋunla ʐugste yodpin.' ³¹ Sŋunla ŋeaŋ khoŋ ŋo mashes, innaŋ Israelpagunla khoŋ sŋoncugcessi phia, ŋe chu nyampo thus taŋin yoŋspin."

³² Tene Yohananni spaŋpo sals, "De dampe thugnyid phurgonziggi tshulla namkhane babste khoŋnika ʐugssala thoŋ. ³³ Goma ŋe khoŋ su inkhanbo ŋoshessa medpin, innaŋ ŋa chu nyampo thus taŋjala kalla dzadkhanboe mols, 'Khyoraŋji dampe thugnyid babste ʐugsala thoŋkhanboe, dampe thugnyid nyampo thussalla dzadin.' ³⁴ De khoŋ jalpa ŋe khoŋ Konchoggi şas inkhanboe spaŋpo taŋjad."

^a1:23 Griissi skaddi naŋja "Tsooe phebslambo ɖanpo coshig" zerte Griiste dug.

Tsoo Yeshui gome lobtug.**1:35 ne 42**

³⁵ Thorezugpo Yohanan yañskyar khoñrañji lobtug nyis nyampo yodpin,

³⁶ khoñji Yeshu tekane tulin skyoddala zigste mols, "Stosshig, khoñ Konchoggi lugu innog", ³⁷ yañ Yohananni lobtug nyiskoa khoñji te zug molla tshorracig, khoñgun Yeshui stiñrañne soñ.

³⁸ Yeshui gyab logste khoñgun stiñrañne yoñja zigspha, khoñgunla dia dzads, "Khyozaa ci gossad?"

Khoñgunni lantañs, "Rabbi" (Yañna "Lobponle") "Nyerañ karu zugssad?"

³⁹ Yeshui khoñgunla lansals, "Da nyampo yoñste stossig." Tene khoñ nyiska Yeshu nyampo soñte khoñ zugsse nassabo thoñ. Te zane phitoggi chutshod zipa zod soñpa te tshanbo khoñgun Yeshu nyampo dugs.

⁴⁰ Yohananni molkhangun tshore, Yeshui gyabne ñañskhan nyissi nañne cigpo Shimon Pitari no Endriu inpin. ⁴¹ Tshañme sañ sñunla Endriui khoe aco Shimon Pitari tsalte khoa zers, "Dañaa Konchoggi Idamma dzadkhanni Mashika (Yañna skoa dzadkhanbo) thob."

⁴² Endriui Shimon thidte Yeshuika khyers. Yeshui khoa zigste mols, "Khyorañ Yohananni butsha Shimon manna? Tanepharla khyoranji miñja Kyephas (Yañna Pitari) zerin.

Philib danj Nathanniel Idamma dzads.**1:43 ne 51**

⁴³ Thorezugpo Yeshu Galillii yuljoñsla skyodces thagcadda dzads. Philib thobte khoñji khoa, "Dañaa stiñrañne yoñ" mols. ⁴⁴ Philib, Endriu danj Pitari ñoñkhyer Bedsedane inpin.

⁴⁵ Philib Nathanniella thuggacig, "Mozes danj luñtonpagunni dia dzadkhanni mibo ñažaa thob. Khoñ ni Yosebbi šas Natsaredpa Yeshu innog" zers.

⁴⁶ Nathannielli khoa zers, "Natsaredne mi zañpozig biñ šiddanogga?" Philibbi khoa zers, "Yoñste stos."

⁴⁷ Yeshui Nathanniel yoñja zigste khoe skorla, "Stosshig, i miboa Israelpa zercses ospa innog, ciazerna khoe suziggaj mane gobsmiskor."

⁴⁸ Nathannielli Yeshua, "Nyerañji ña kazuggi khyennad" zers.

Yeshui khoa, "Philippi boddi saj s̄junla ḥe khyoraj phig khazassi lcajme yogga dugste thoj" mols.

⁴⁹ Nathannielli, "Lobponle, nyeraj Konchoggi şas daj khojji Israeli phia skoa dzadkhanni gyalpo innog" zers.

⁵⁰ Yeshui Nathanniella, "De khyoraj phig khazassi lcajme yogga dugste thoj zerpa khyorajni dadpa coste inna? Khyorajni i saj halasshessi las chea thojin" mols. ⁵¹ Yeshui Nathanniella, "De khyorajna denba zerrad, khyorajni namkhaa pheste yaj Konchoggi phonyagun, ḥa mirigssibuika dzagsin yaj babsin thojin^b" mols.

Yeshui chu rgunchaj gyur cugga dzads.

2:1 ne 12

2 ¹Zag nyissi stijne, Galillii yuljojssi kane ḫoñkhyerri nañja bagstonzig yodpin, yañ Yeshui ama teru soj. ² Yesu dañ khojji lobtuggunnañ te bagstonla bodte yodpin. ³ Teru bagtonni ḫonni dusla rgunchaj tsharracig, Yeshui ame Yeshua, "Khoñgunla rgunchaj tsharte midug" zers.

⁴ Yeshui amaa mols, "Cespe bumo, ḥa i nañja cia şead. Taruñ ḥe dus malebbain."

⁵ Ame yogpogunla, "Khoñji ci molnañ tezug cosshig" zers.

⁶ Tenna dunla Yahudape stsañma cocessi lugşol nañzin thucesla chui dzama ṭug yodpin. I dzama rere nañja halam chu litar 80 ne 120 zam chuddadpin.

⁷ Yeshui yogpogunla, "Te dzamagunni nañja chu skoñshig" mols, yogpogunni khoñji molkhan nañzin dzamagun gañcugste chu skañs.

⁸ Te stijne Yeshui yogpogunla, "Ta dzame nañne chu custe, ḫonni ldiñsponla khyershig" mols, yañ khoñgunni Yeshui molkhanbo cos.

⁹ Ldiñsponni rgunchaj gyurkhanni te chubo nyañs, khoa i rgunchajbo kane khyoñs gyus medpin, (Innañ chu khyoñkhanni yogpogunla gyusyodpin) khoe magpaa bodte zers, ¹⁰ "Tshañme ḫonpogunla chañ gyallabo s̄junla tañste ḫonpogun rarossacig chañ thuabo khyoñcen, innañ khyorajni tshañmesañ chañ gyallabo dagsa tshagpa borte rag" zers.

^b1:51 gozug zerkhanni speche nañja 28:10 ne 17 tshogpa izug Griiste dug. Yakob khorajni aco Isaune shorte sojte rdoaziggika nyidlogs zane khoe nyidlammii nañja phonya mañpozig şeskazig, kabu jigstenni kane namkhaa tshogpala yodkhanboeka chayoñ tañinzig thoñkyag.

¹¹ Ibo Yeshui halasshessi stas dañpobo inpin, kabo khoñji Galilli yuljonssi kane ñonkhyerla stanna dzadte khoñrañji zirrijid sñon cugga dzads, yañ khoñji lobtuggunni khoñjika dadpa cos.

¹² Te stiñne Yeshu, khoñji ama, no dañ lobtug ghun Kapharnahum gyalssa skyods, teru ñag khacig ñugs.

Chodkhañ stsañma dzads.

2:13 ne 25

¹³ Yahudape pesaggi duschen nyemo lebbacig, Yeshu kyenla Yerushalemma skyods. ¹⁴ Khoñji teru chodkhañji gyañskorri nañja lañto, lug dañ, phurgon ghun tsoñkhan yañ pene rdebkhan ghun khoranġunni cogtse dunla dugte yodda zigs. ¹⁵ Yeshui thagpazigga stallcag dzadte, chodkhañji gyañskorri nañja yodkhanni lug, lañto dañ phurgon tshañma philogga phiñja dzads, yañ pene rdebkhanguñni lcagssi penegun thesstor dzadte cogtsegun logga dzads. ¹⁶ Yañ phurgon tsoñkhanguñla, "I tshañma phiñste khyer, ñe yabbi ñugsabo thomssa macoshig" mols.

¹⁷ Yeshui lobtuggunla dampe suñrabssi nañja Griiste yodkhanbo idtu yoñs, "Nyeranġi ñugse nasse phia ñe cespabo ni, barkhanni me tsogs in kaboe ña medkhan coin".^c

¹⁸ Yahudape sponbogunni Yeshua, "Igun cocessi wañ yodkhanbo stancesla khyoranġi ci dzadpazig stanin" zers.

¹⁹ Yeshui te migunla lansalin, "I chodkhañbo shigsdoñ, ñe ñag summi nañja yañskyar lañin" mols.

²⁰ Tegunni khoñja Griis, "I chodkhañbo stsiggala lo ñibcu ñarug gorte inpin, ci khyoranġi ibo ñag summi nañja ñañinna?" ²¹ Innañ Yeshui molkhanni chodkhañbo ni khoñrañji skuzugssi skorla inpin. ²² Khoñ shikhanguñni ḥone sontea ñañste stiñne khoñji lobtuggunla khoñji i ñalta molkhanguñ idtu yoñs, yañ khoñgunni dampe suñrabs dañ Yeshui molkhanni ñaltagunnika dadpa cos.

²³ Yeshu pesaggi duschenla Yerushalemma ñugste yod zane, teru mi mañpoe khoñji halasshessi dzadpagun thonje, khoñjika dadpa khyoñs. ²⁴ Innañ Yeshua te migunnika lomakhyel ciażuna khoñji tshañme snyiñ khyenna dzads. ²⁵ Mirigs

^c2:17 ibo ni ñalchad snyiñpe suñgurri speche nañje 69:9 nañja yodte innog.

kazugshig inkhanbo khoṇja suiŋ shadgos medkyag ciazuna khoṇji khoṇgunni snyiṇji naṇja yodkhanbo khyenna dzaddanog.

Tsoo Yeshu daṇ Nikodemas.

3:1 ne 21

3 ¹ Ta Nikodemas zerkhanni pharushipazig yodpin, kho Yahudapa waŋsulpe tshogsdui thusmizig inpin. ² Zagshig kho Yeshu yodsa tshanla yoŋste zers, "Lobponle^d, nyeraŋ Konchoggi chogsne phebskhanni lobpon inkhanbo ḥaže shes, ciazuna Konchog nyampo yodte mane suziggaj, nyeraŋji stanna dzadkhanni halasshessi stasgun stan minyan."

³ Yeshui khoa lansalin, "De khyorajna denba denba zerrad, namtshogpa suzig yaŋskyar miske, Konchoggi gyalṣidpo khoa mithoŋ" mols.

⁴ Nikodemassi zers, "Mi rgadpozиг yaŋskyar kazuggi skyeanog. Khorajni ame caŋkhoggi naṇja zugste lan nyispa skye mithub" .

⁵ Yeshui lansals, "De khyozaa denba denba zerrad, namtshogpa mizig chu daṇ thugnyidne skye miske, tegun Konchoggi gyalṣiddi naṇja cha minyan.

⁶ Mizig zugspoe thogga phamane skyeanog, innaŋ thugnyidne skyeskhangun ni dampe thugnyidne skyeanog. ⁷ De 'Khyorajna yaŋskyar skyegos' zerkhanboa ha malas. ⁸ Luŋspo karu thadnaj tenna chogsla gyugganog. Khyorajna teboe skad tshorranog, innaŋ tebo kane yoŋjad yaŋ karu chad gyuscha manog, tenna tsogs, thugnyidne skyeskhan tshajma nyampo innog."

⁹ Nikodemassi zers, "Kazuggi tebo denba innog?"

¹⁰ Yeshui lansals, "Khyoraj Israelpe chossi lobponzиг inteaŋ khyorajna hagoa medda? ¹¹ De khyorajna denba denba zerrad, ḥaže sheskhangun zerrad yaŋ thoŋte inkhanboe spaŋpo taŋjad. Teneaŋ khyozagunni ḥaže spaŋpoboa denshessa midug.

¹² De khyozagunla jigsten daṇ ḥelkhanni spera shadpin, innaŋ teboa khyoze den mashes. Galtes ḥe namkhaa daṇ ḥelkhanni spera shadna, khyorajni kazugga denshesin. ¹³ Namkhane yoŋste inkhan mirigssibu manpa suziggaj namkhaa masoŋ. ^{14–15} Kazug ristoŋji naṇja Mozessi Israelpagun skyobcesla raganni rulzиг bergeka stagga tsogsla, mirigssibuika dadpa khyoŋkhangunla thamedpe mitshe thobcessi phia khoaŋ staggozin."

^d3:2 Griissi skaddi naṇja lobponla rabi zerranog

¹⁶ Konchoggi jigstenpagunla izam camspa dzads, khoṇji khoṇraṇji şas cigcigpoaŋ salla dzads, khoṇji şassika dadpa khyoŋkhan tshaṇma shi mashia thamedpe mitshe thobin. ¹⁷ Konchoggi raṇji şas jigstenpagunla chadpa cadcesla manpa, khoṇ gyudte tharpa salcessi phia jigstenni naṇja kalla dzads.

¹⁸ Şassika dadpa cokhangun nyalwe naṇja mane phaṇja midzad, innaj dadpa macokhangunla nyalwe chadpa phog tsharte in ciazerna khongunni Konchoggi şas cigcigpoeka dadpa macos. ¹⁹ Te chadpa salcessi tonbo ni: Konchoggi od jigstenni naṇja skyods innaj migun oddi saj mundigpoa thad ciazerna khongunni lasgun ḥanpa yodte innog. ²⁰ Las ḥanpa cokhan tshaṇme odla naphrad coanog, khongunni lasñangun ʐanmagunla s̄jonin samte oddi naṇja yoṇja manog. ²¹ Innaj ḫaŋpoe lammika ȳulin yodkhangun, oddi naṇja yoṇja thaddanog, ciazerna khongunni Konchog thugsthadda dzadkhanni las coin yodkhanbo ʐanmagunni thoṇthubin.

Tsoo Yesu daŋ Yohanan thussalkhanni skor.

3:22 ne 36

²² Teboe stiŋne Yesu daŋ khoṇji lobtuggun gyalsane biŋte yahude ḫoŋsebgunla skyods, yaŋ teru ʐagbanshig ʐugste khoṇji migunla thussalla dzads.

²³ Yohananniaŋ Shalim ḫoŋseb daŋ nyemoa yodkhan Enonni naṇja thussalladpin ciazerna teru chu maŋpo yodpin, yaŋ migun thus lennala yoṇin duggadpin. ²⁴ (I tshaṇma Yohanan tsonla kaggi saj s̄junla cuŋs) ²⁵ Yohananni lobtuggun daŋ Yahudapaziggi naṇja chu nyampo stsajma cocessi lugşolli skorla zerzer soŋ.

²⁶ Tene Yohananni lobtuggun khoṇ yodsa yoṇste Yeshui skorla shads, "Lobponle, Yordanne ltsaŋspoe pharka nyeraŋ nyampo yodkhanni mi kaboe phia nyeranji spaŋpo salladpin, khoṇjaŋ thussaldug yaŋ mitshaṇma khoṇjika charug."

²⁷ Yohananni lanla mols, "Namtshogpa Konchoggi namkhane goŋspa misal, suziggaj caŋ thob mithub. ²⁸ De ḥa Idamma dzadskhanni Mashika man innaj ḥa khoṇji saj s̄junla ḫaldig coa kalla dzadkhanbo in, zerkhanboe spaŋpo khyozaa innog. ²⁹ Nama ni magpe phia innog, innaj magpe dzao ſuŋste khoe skadla nyannanog, skadpo tshorracig thadpo chanog. Teboephia te nastshulbo tshore ḥe snyiŋjaŋ thadpoe gaŋ. ³⁰ Khoṇ miŋcan yaŋ ḥaa rinmed gyurgos."

³¹ "Namkhane skyodkhanbo tshaṇmesaŋ jigs̄po innog, ḥadaŋgun ni jigstenni inpa jigstenpe tshulla spera taŋjanog. Innaj namkhane skyodkhanbo tshaṇmesaŋ thoshogpo innog. ³² Khoṇji Konchogne tshorkhan yaŋ zigskhangunni spaŋpo sallanog, innaj suziggaj khoṇji spaŋpoeka idshes macos. ³³ Khoṇji lonnika

idshes cokhangunni Tsoo Konchoggi ḋaŋpo molkhanboe spaŋpo taŋste innog.
³⁴ Konchoggi kalla dzadkhanboe Konchoggi ʐalta mullanog ciazerna Konchoggi
 khoŋŋa dampe thugnyid tab matabba salla dzaddug. ³⁵ Yab Konchoggi şasla
 camspa dzadpa khoŋŋi citshajma şassi chagga stadda dzads. ³⁶ Şassika dadpa
 khyoŋkhanganla thamedpe mitshebo thob tsharte innog. Innaŋ şassika dadpa
 macoa khaa manyankhangunla te mitshebo mane mithob, yaŋ Konchoggi thugssø
 khoŋgunnika lusin."

Tsoo Yeshu daŋ Samarriyama bumo.

4:1 ne 26

4 ¹ Yeshui thussalin Yohananni saŋ maŋŋa lobtug gyurte dug zerte
 pharushipagunla tshor. ² (Dosmabo Yeshu manpa khoŋŋi lobtuggunni
 thussalladpin), ³ tebo Yeshua thuggyus skyoddacig khoŋ yahude yuljoŋsne biŋte
 Galillii yuljoŋsla logste skyods.

⁴ Yeshu samarriye yuljoŋs gyudte skyodgospa ⁵ khoŋ Samarriya yuljoŋssi Sikar
 ḋoŋkhyer, dus maŋpoe sŋunla Yakobbi rŋŋi butsha Yosebba taŋskhanni sakyaddi
 nyemoa leb. ⁶ Teka Yakobbi chudoŋzig yodpin, Yeshu thagriŋne ʐabḍulla skyodpa
 thugŋalte te chudoŋŋi dunla zugs, tebo nyiŋguŋ zodcigga inpin. ⁷ Samarriyamazig
 chu phinŋala yoŋs, yaŋ Yeshui te bumoboa, "Na thuŋcesla chu tsapig sal" ŋus.
⁸ (Ciazuna khoŋŋi lobtuggun thomsla zaces nyoala soŋte medpin).

⁹ Samarriyapa bumoboe Yeshua, "Nyeraj Yahudapa yaŋ ŋa Samarriyamazig,
 kazuggi nyeraŋŋi ŋa thuŋcisla chu toŋ molte in" zers (Ciazerna Yahudapagunni
 Samarriyapagun nyampo ḋel borra manog).

¹⁰ Yeshui te bumoboa, "Galtes khyoraŋŋi Konchoggi skyespo daŋ khyoraŋŋa chu
 toŋ zerkhanbo shespinna khyoraŋŋi khoa toŋ zerte yodđo, yaŋ khoe khyoraŋŋa şog
 taŋkhanni chu taŋste yodđo" mols.

¹¹ Bumoboe zers, "Sponbole nyeraŋŋi lagga chu cucesla nod caŋ midug, yaŋ
 i chudoŋbo ma koŋđo yodpa nyeraŋŋa şog taŋkhanni chubo kane thobin. ¹² Ci
 nyeraŋ ŋažagunla i chudoŋ salkhan ŋaže phamespo Yakobbi saŋ jigssazig inna?
 Khoŋ, khoŋŋi ṭugugun daŋ khoŋŋi semscangunni inna chudoŋboe chu thuŋste
 inpin.

¹³ Yeshui lansals, "I chudoŋne chu thuŋkhangun yaŋskyar skomsin, ¹⁴ innaŋ
 ŋe taŋkhanni chu thuŋkhangun yaŋskyar mane miskoms. Ne taŋkhanni chubo
 khoŋgunni naŋŋa thamedpe mitshee taŋkhanni chumigga gyurin."

¹⁵ Bumoboe zers, "Tsoo yaŋskyar mane miskomces daŋ ika chu nennala yoŋ migoshessi phia juju te chubo ɳa salla dzad."

¹⁶ Yeshui bumoboa, "Soŋte raŋji magpa ika thidte khyoŋ" mols.

¹⁷ Bumoboe lanla, "Ia magpa med" zers.

Yeshui khoa mols, "Khyorajji ɳa magpa med zerkhanbo ɖaŋpo innog.

¹⁸ Nosmabo khyorajja magpa ʂna yodpin, dagsa khyoraj nyampo yodkhanbo khyorajji magpa man. Khyorajji zerkhanbo denba in" mols.

¹⁹ Bumoboe zers, "Tsoo nyeraŋ luŋstonpažig inces dug. ²⁰ Iazaa Samariyapagunni, ɳaze phamespogunni colkhanni i riboika Konchoggaa col, innaj khyozaa Yahudapagunni Konchoggaa Yerushalemmi naŋja colgos ciphia zerranog?"

²¹ Yeshui mols, "Bumo ɳe zercescanboa denshes, duspo nyemo yod, nam khyozagunni raŋji yab Konchoggaa i riboika ya Yerushalemmi naŋja micol.

²² Khyozaa Samariyapagunni colkhanbo shessa midug, ɳazagunni colkhanbo shessad ciazerna Yahudapagun gyudte tharpabo yoŋjanog. ²³ Innaj duspo nyemo innog, matshad leb tsharte in, nam denbe colkhanguṇi yab Konchoggaa thugnyid daŋ denbe naŋja colin, ciazerna itsogs colkhanguṇi yabbi tsalla dzaddug. ²⁴ Konchog ni thugnyid innog, khoŋja colkhanboe khoŋja thugnyid daŋ denbe thogne colgos."

²⁵ Bumoboe zers, "Konchoggi ldamma dzadkhanni Mashika phebshescanbo ɳa gyusyod, khoŋ skyoddacig, ɳazaa, citshaŋma hagocugga dzadin."

²⁶ Yeshui bumoboa, "Khyoraj nyampo spera taŋkhan ɳaa tennabo in" mols.

Lobtuggun logste skyods.

4:27 ne 38

²⁷ Yeshui tezug mol tsharracig khorajji lobtuggun logste leb. Yeshui bumoziq nyampo ʐaltaa salin thoŋpa khorajgun halas^e, innaj Yeshua, "Nyerajja ci gossad?" Ya "Ciphia nyerajji te bumoboa ʐaltaa sallad?" Zerte suiŋ mađis. ²⁸ Bumoe chukharbo teneka borte khorajji ɖoŋkhyerla baŋtaŋste soŋ yaŋ migunla zers, ²⁹ "De mitshee naŋja coskhan tshaŋmaa shadkhanni miboa thuggala yoŋshig. Khoŋ Konchoggi ldamma dzadkhanni Mashika inſidces innogga?" ³⁰ Migun ɖoŋkhyerne biŋte Yesu yodsa chogsla yoŋs.

^e4:27 lobtuggun halaskyag ciazerna Yeshui dusla Yahudapa chossi gergan suziggiaŋ bumo nyampo spera tanja medpin. Ciazerna khorajgunni tezug cocespo ni dus kodla tajte innog sammadkyag.

³¹ Tenna dusla Yeshui lobtuggunni khoṇja zers, "Lobponle, citoṇshig donna dzad."

³² Innaj Yeshui khoṇgunla mols, "Daa zacessi kharjizig yod, teboe skorla khyozaa caṇ gyusmed."

³³ Tebo tshorracig lobtuggunni cig daṇ cigga zers, "Sużiggi khoṇja dontaṇ khyoṇspinna he?"

³⁴ Yeshui mols, "De kharjibo ni ḥa kalla dzadkhanni Konchoggi thugsthadgun coces daṇ khoṇji chaglas ghun ḫandaṇ tħubcugcespo in. ³⁵ Khyozaa zerlozig medda, 'Stonthog smincesla lzawa zi luste innog'? De khyozagunla zerrad, raṇraṇji mig pheste zinġunla stossħig, te stonthoggun tħoste rħabsa ran tħartे dug. ³⁶ Rħabsa taṇkhangunla lacha gyalla thobin innog, yaṇ migun thamedpe mitshee naṇja khyoṇcespo khoṇji rħakhanni khazaspo innog. Tene saon tabkhan daṇ rħabsa taṇkhan nyiskoa tsamshiggi skyidpo miyoṇ. ³⁷ I zerlobo denba innog, 'Ciggi tabin, żanziggi rħaen.' ³⁸ De khyozagun khyoze matabkhanni stonthogpo rħala kalpin. Żanmagunni stsonðus ḫanġi cos yaṇ khyozagunni khoṇji stsonðussi ɬasbugun rħas.

Samarriyapagunni dadpa khyoṇs.

4:39 ne 42

³⁹ Samarriyapa manpoz̄iggi Yesuika dadpa khyoṇs ciażerna te bumoboe, Yeshui khoe mitshee naṇja coskhan tħajjmaa shadda dzadkhanboe spaṇpo taṇs. ⁴⁰ Tene Samarriyapagun Yesu yodsa yoñste juju khoṇgun nyampo żugssa dzad zerte zuwa phulpa, khoṇ zagma nyis teru zugs. ⁴¹ Khoṇji labcagun tħortे żanmi manpoz̄iggi dadpa khyoṇs. ⁴² Migunni te bumoboa zers, "Daze khyoraṇji zerkhanni spera tħorċes cigpo manpa, ḥażaraṇji namchogħne khoṇji molħħangun tħorċespoe dadpa coad, yaṇ denba i mibqid jistep pagunni skyabgon inkhanbo ħażże shessad."

Yeshui ionpoz̄iggi butsha phancugga dzads.

4:43 ne 54

⁴³ Zag nyissi stiñe Yesu yaṇ Galillii yuljoṇs chogsla logste skyods. ⁴⁴ (Yeshui luu̇stonpa sużiggaq rājyulla stsiwa mane mithob molte s̄junla spaṇ phudte inpin)

⁴⁵ Khoṇ Galillia lebbacig, Galillipagunni khoṇja gasus żus ciażerna pesaggi duschen zane Yerushalemmi naṇja Yeshui dzadkhan tħajjma khoṇgunni thoġ.

⁴⁶ Yeshu lan nyispa Galillii yuljonssi Kana ḋonkhyerla skyods, karu khoṇji chu rgunchanji gyur cugga dzadte inpin. Kane nyemoa Kapharnahum gyalse naṇja lonpoziggi butshaa zumo yoṇste yodpin. ⁴⁷ Lonpoa Yeshu Yahudane Galillia logste skyodtug zerte tshorpa kho Yeshu yodsa soṇ yaṇ juju skyodte khoe butsha shikyis yodkhanbo phancugga dzad zerte zuwa phuls.

⁴⁸ Yeshui lonpoboa, "Khyozagunni halasshessi stas dan stags thonste mane dadpa mico" mols.

⁴⁹ Lonpoboe, "Tsoo ḥe ṭugu shii saṇ sjanla skyodda dzaddaj he" zers.

⁵⁰ Yeshui khoa, "Ta soṇ khyoranji butsha mishi" mols. Khoe Yeshui molkhanboa denshes yaṇ khaṇpa logste chaces gozug.

⁵¹ Kho lambarla yod zane, khoe yopogun khoe butsha zumo yoṇskhanbo gyalte khamzaṇ gyurkhanni nastshul shaddala yoṇs. ⁵² Lonpoboe khoe butshabo tsam zodshigga gyal zerte Griispa tegunni, "Daṇ dzarre chutshod daṇpo zodcigga khoe tshadpo medkhan soṇ" zers. ⁵³ Tene ababoa, tenna duspoeka Yeshui khoa, "Khyoranji butsha mishi" molkhanbo idtu yoṇs. Kho daṇ khoe naṇtshaṇ gaṇpoe Yeshuika dadpa khyoṇs. ⁵⁴ Tebo Yahudane Galillia skyodte Yeshui halasshessi dzadpa nyispabo dzadte inpin.

Bedsede ziṇṇika nadpa gyalcugga dzads.

5:1 ne 15

5 ¹ Te stiṇne Yahudapagunni duschenzigi dus Yeshu Yerushalem gyalsa skyods. ² Yerushalemmi naṇja lug zerkhanni gyasgho nyemoa ziṇzig yodpin, kaboa ibripe skadla Bedseda zerradpin, yaṇ teboa thog yodkhanni yabs ṣne skorte yodpin. ³ Te yabsgunnika nadpa: khoṇskhan, ẓara daṇ ẓao maṇpozig nyalte yodpin. ^{4 f5} Teka khoṇste lo 38 chakhanni miṣig yodpin. ⁶ Yeshui kho zigste lo maṇpozigne pharla khoṇste yodkhanbo khyenna dzadpa khoṇji khoa ḫia dzads, "Khyoran i zumobone phanna thadda ragga?"

⁷ Khoe zers, "Tsoo, ziṇṇi chubo ṣug zane ḥa i naṇja zugsshesla rogs cokhan suan med, yaṇ ḥa dunla lebbi saṇ sjanla yaṇsuṣig tenaṇṇa ẓugs tshardug."

⁸ Yeshui khoa mols, "Loṇs, raṇṇi nyalstan khur yaṇ ṭul."

^{f5:4} sjanme Griissi speche naṇja 5:3 b daṇ 4 ghun medpa innog, kaboe naṇja zerte dug "Tsoo Konchogggi phonya hunmedla parparla skyodte te ziṇboe chubo skulladkyag. Teboephia nadpa maṇpozig te ziṇboe chubo gulcesla ṣuṇste duggadpin ciazerna te chubo cab gulladaṇ su nadpaṇig te ziṇboe naṇja gomaraṇ ẓugsnyanna teboa ci nadcig yodnaṇ gyalladkyag"

⁹ Kho tennamalla gyal, ranji nyalstan khurte tulces gozug, te dzadpabo shabbaddi ɳaltshoe ɣagga cuṇte inpin. ¹⁰ Tennaboephia Yahudape uskyoŋgunni gyalcugga dzadkhanni miboa zers, "Diriŋ shabbaddi ɳaltshoe ɣagga khyorajni las comichog. Chosthims naŋzin khyorajna nyalstan khurcessi goŋspa mitaŋ."

¹¹ Khoe khoŋgunla lantaŋs, "Da phancugga dzadkhanni miboe mollarag 'Raŋji nyalstan khurte ȳul'."

¹² Khoŋgunni khoa Griis, "Khyorajna nyalstan khurte ȳul zerkhanbo su innog?"

¹³ Khoa kho phancugkhanbo su in gyus medpin, ciazunga Yesu teru mitshogssi naŋja stor soŋ. ¹⁴ Stiŋne Yeshui kho chodkhaŋji naŋja zigs yaŋ khoa mols, "Stos ta khyoraj gyalte innog. Sdigpa coces phoŋ, te manna khyorajna i saŋ thua cuŋsidces innog." ¹⁵ Tene kho Yahudape uskyoŋgunnika soŋte, "Da phancugga dzadskhanbo ni Yesu innog" zers.

Konchoggi şassi waŋcha.

5:16 ne 30

¹⁶ Yeshui tenna tsogssi halasshessi dzadpagun shabbaddi ɳaltshoe ɣagga dzad pasaŋ, Yahudape uskyoŋgunni khoŋji molkhan daŋ dzadkhan ghunni gyabgal coces gozug. ¹⁷ Innaŋ Yeshui khoŋgunla, "De yab Konchoggi dusgyun chaglas dzadcespoe, ɳeaŋ coad" mols. ¹⁸ Yahudapagunni khoŋji sadcessi stsondus maŋja şanṭe cos, ciazerna Yeshui Yahudapoe shabbaddi ɣaggi thimspo cagces, matshad khoŋji Konchogga khotraŋji yab molte khotraŋ Konchog danda theadzads.

¹⁹ Yeshui khoŋgunla lansals, "De khyozaa denba denba zerrad, şas khoraj cigpoa caŋ conyanna manog. Yab Konchoggi dzadkhan khoe thonkhanbo mane şassi coa manog. Yabbi ci coa dzadnaŋ şassiaŋ coanog. ²⁰ Yabbi şasla camspa dzadcespoe khoŋji chaglas tshaŋma şasla stanna dzaddanog. Yabbi igunni saŋ jigspo lasgun şasla cocesla stanna dzadin, tene khyozagun maŋja halasin. ²¹ Sperna kazug yabbi shikhangan sontea laŋja dzadte şog sallad, tenna tsogsla şassiaŋ khoraj thadkhanganla mitshe taŋin. ²² Yabbi suziggan shags madzadda, shags cadcessi waŋ tshaŋma şasla salla dzadte in. ²³ Te waŋbo salla dzadcessi gyuntshanbo ni, kazuggi yabba mitshaŋme stsiwa coad tenna tsogsla mitshaŋme şaslaŋ stsiwa taŋcespo innog. Şasla stsiwa macokhangunni tantanla şas kalla dzadkhanni yabbaŋ stsiwa macoa innog.

²⁴ ॥ De khyozaa denba denba zerrad, ne longunla nyante ja kalkhanni Konchoggika dadpa khyonkhanganla thamedpe mitshe yod, yañ khongunni sdigpagunla chadpa miphog. Khongun shicesne tharte thamedpe mitshe nañja lebte innog."

²⁵ ॥ De khyozaa denba denba zerrad, duspo lebces yod matshad leb tsharte in, nam semsnyiddi thogne shikhangunni, Konchoggi şassi skad tshorin. Yañ tshorte idshes cokhangun sontea lusin. ²⁶ Kazuggi yabba şog salcessi wañ yod, tenna tsogsla khoñji şasla şog tañcessi wañbo salla dzadte in. ²⁷ Kho ni mirigssibu in pasañ, yabbi khoa shags cadcessi wañcha stadda dzadte in. ²⁸ ॥ De zerkhanboa ha malasshig, teduspo lebces yod, nam shikhan tshañme spurkhañji nañja Konchoggi şassi skadpo tshorte ²⁹ spurkhañgunne bijte yoñin. Las zañpo cokhangun thamedpe mitshe phia, yañ ñanpa cokhangun thamedpe chadpe phia lañin. ³⁰ ॥ Dañ ñarañja cañ co minyan, Konchoggi molkhan nañzinla shags tañjad, yañ ne shagsgunni ñañpo in ciazerna ne ñarañ thadkhan nañzin manpa, ja kalkhanni yabbi thugsthad nañzin coad."

Tsoo Yeshui skorla spanjo.

5:31 ne 47

³¹ Yeshui taruññañ mols, "Galtes ne ñarañji skorla spanjo tañjadna ne spanpoboa ñanmagun den mishes. ³² Zanmaziggi ne skorla spanjo sallad, yañ ja gyusyod khoñji ne skorla salkhanni spanjo ñañpo in. ³³ Khyoze Yohanannika migun ɖiala kalspa, khoñji ne skorla denbe spanpo tañs. ³⁴ Da migunni spanpoa raglaste med, innañ khyozagunla tharpa thobcessi phia Yohananni spanpoe skorla shaddad.

³⁵ Yohanan ni od Idañshan barin yodkhanzig inpin, yañ khyozagun skabsstogsshig te odpoe Idañssi nañja dugste thadpo cos. ³⁶ ॥ De lagga Yohananni spanpoe sañ jiispo spanpozиг yod, yab Konchoggi ñaa ɬubcugcesla stadda dzadkhanni lasgun ne coin yod yañ tenna lasgun, ja yabbi kalla dzadkhanboe spanjo in. ³⁷ ॥ Da kalla dzadkhanni yabbi, ne skorla spanpo salte in. Khyozagunni khoñji suñskad mane matshorra ya khoñji yibs mane majalla innog. ³⁸ Khoñji lon khyozagunni snyiñji nañja lussa midug, ciazerna khyozagunni ja Konchoggi kalla dzadkhanboeka den mashes."

³⁹ "Khyoze dampe suñrabsla ma ɿibsal nyampo lobjoñ corug, ciazerna khyozagunni dampe suñrabs gyudte thamedpe mitshe thobbanog samdug. Tenna suñrabspoe ne skorla spanpo tañjanog. ⁴⁰ Teneañ ñeka idshes coste thamedpe mitshe thobcesla khyozaa thadda midug."

⁴¹ "Da ni migunni stodpa tañcespoa thaddamed, ⁴² innañ khyożagunni semssi nañja Konchoggi phia camspa medkhanbo ḥa gyusyod. ⁴³ Da ḥaranji yabbi wañche nañja yoñnañ khyożagunni ḥa gasus macos. Galtes ɬanzig khoranji wañche nañja yoñnañ khyożagunni khoa gasus coin. ⁴⁴ Khyożagunni kazuggi ḥeka dadpa khyoñin, nam khyożagun cig dañ cigne stodpa thobcesla thaddug, innañ Konchog cīcīgpoe stodpa thobcespo tsalla midug."

⁴⁵ "Khyoże masamshig yabbi skundunla ḥe khyożagunla skyon galin. Khyożagunla skyon galkhanbo khyożarañji rewa borkhanni Mozes innog. ⁴⁶ Galtes khyożagunni Mozessika dadpa cospinna, ḥekaj dadpa coste yoddō, ciazerna khoñji ḥe skorla dia dzadte innog. ⁴⁷ Khyożagunni Mozessi dia dzadkhanboa id mashes pasañ, ḥe zerkhangunla khyoże kazuggi denshesin."

Tsoo Yeshui mi stoñṣja ɬaŋsshugga dzads.

6:1 ne 15

6 ¹ Zagbanshiggi stiñne Yeshu ɬuziñji nañja ɬonna dzadte, Galillii tshoe pharkaa skyod kaboa Tiberiyassi tshoañ zerranog. ² Mitshogs chenmožig kholnja ɬaŋste yoñs, ciazerna kholnunni Yeshui nadpa phancugga dzadkhanni dzadpagun thoñte inpin. ³ Yeshu ria dzagste skyodte kholrañji lobtuggun nyampo seka ɬugs. ⁴ Yahudape pesaggi duschen nyemo yodpin. ⁵ Yeshui u stagspa mitshogs chenmožig kholnja chogsla yoñin zigs yañ kholnji Philibba, "I mitshañma zala tañcessi tagi ḥadanji kane nyoin" mols. ⁶ Yeshui khoe ci zerdeg ltacesla tebo dia dzads, ciazerna kholnji dzadcespo kholnja thuggyus yodpin.

⁷ Philibbi kholnja zers, "Galtes ɬagma nyibgyi lache penea tagi nyonañ i mitshañmala khambu rere tagi mane minyuñ."

⁸ Yeshui yañ lobtug cig, Shimon Pitarri no Endriui kholnja, ⁹ "Ika ɬugužiggi lagga nassi tagi şja dañ nya chuñun nyis dug, innañ teboe izamshiggi mia ci coin" zers.

¹⁰ Yeshui, "Migun seka dugcug" mols. Teru spañ sñonpo manpo yodpa mitshañma seka dugs, te mitshogssi nañja butshaa ldankhan cigpo stoñṣja zamshig yodpin.

¹¹ Yeshui te donkyirgun chagga namste Konchogga thugrjeche phuls yañ dugste yodkhan tshañmala rañrañji gossdom nañzin goste tañja sals, tenna tsogs nyagun nyampo dzads. ¹² Mitshañma zoste tshimssacig Yeshui lobtuggunla mols, "Godla cañ michacessi phia lagmagun lduste khyoñ." ¹³ Tene migunni nassi tagi şje kane zoste lagma borkhan kholnunni duspa tsepo cugnyis gañ.

¹⁴ Migunni khoṇji halasshessi dzadpabo thoṇjacig, "Tantanla ḥadaq şuṣte yodkhanni luṇstonpa, innabo innog" zers. ¹⁵ Khoṇgunni Yeshu zumste waŋ nyampo khoranġunni gyalpoa skocespo khoṇji khyen pasaŋ cubcadte mitshogssi naŋne biŋte khoṇraŋ cigpo rika dzagste skyods.

Tsoo Yeshu chuika ṭulla dzads.

6:16 ne 24

¹⁶ Muncurubbacig khoṇji lobṭuggun thurla babste tshoe chogsla skyods, ¹⁷ yaŋ tshoe pharkaa Kapharnahummi gyalsa logste chacesla ṭuziŋja ʐons. Ta muncu rubste yodpin yaŋ Yeshu khoṇgun nyampo maskyodda inpin. ¹⁸ Hunmedla gyatshoe naŋja luŋrag yoŋste chulbag ṭagpo laŋs. ¹⁹ Lobṭuggunni ṭuziŋbo tshoe thamane kilomitar şja ya ṭug zamshig thagriŋja lebste yod zane khonġunni Yeshu ṭuziŋ chogsla chuika ʐabḍulla skyodda thoŋte mašanṭe jigs. ²⁰ Innaŋ Yeshui khoṇgunla, "Jigs majigs ḥa in" mols. ²¹ Tene khoṇgunni Yeshu ṭuziŋji naŋja skyodcugs, khoṇgunni ṭuziŋbo tennamalla aŋoldoi pharka leb karu khoṇgun chaces inpin. ²² Stiŋmažagpo tshoe pharka dugste yodkhanni mitshogspon teru ṭuziŋ cigcig mane medkhan yaŋ Yeshu khoṇraŋji lobṭuggun nyampo te ṭuziŋji naŋja maskyodkhanbo gyussoŋ. ²³ Tene Tiberiyassi gyalsane ʐan ṭuziŋ rig lebste tenna nassaboa dugs, karu Tsooe donkyirri phia thugrjeche phulte yaŋ mitshogsgunni zoste inpin. ²⁴ Mitshogssi Yeshu ya khoṇji lobṭuggun teka medkhanbo hagoacig, khonġun ṭuziŋgunni naŋja ʐonte, Kapharnahummi gyalsa Yeshu tsalla soŋ.

Yeshu ni şo salkhanni donkyir.

6:25 ne 59

²⁵ Tshoe pharka mitshogssi Yeshu thobbacig, "Lobponle, nyeraŋ ika nam skyodpin" zers.

²⁶ Yeshui khoṇgunla lan sals, "De khyozaa denba denba zerrad, khyoze ḥe halasshessi dzadpagun hagocespe manpa ḥe khyozaa zacesla tagi taŋs pasaŋ ḥa tsalte innog. ²⁷ Rulcescan manpa, thamedpe mitshe thobcessi zan tsalcesla stsonđus coshig, tebo mirigssibui khyozagunla taŋin ciazerna yab Konchoggi tebo taŋcessi waŋcha khoa salla dzadte in."

²⁸ Khoṇgunni Yeshua zers, "Konchog thugsthad cugcesla ḥaze ci las rig cogos?"

²⁹ Yeshui khoṇgunla mols, "Konchog thugsthadkhanni laspo ni khoṇji kalla dzadkhanboeka dadpa cocespo innog.

³⁰ Tene khoŋgunni Yeshua zers, "Nyeranji ci coa dzadin? Daze nyeraŋjika dadpa khyoŋcesla nyeraŋji ŋazaa halasshessi dzadpa kazugshig stanna dzadin? ³¹ Sperna ŋaze phamespogunni ristoŋji naŋja manna zerkhanni tagi zos, suŋrabssi naŋja molte innog, 'Mozessi khoŋgunla namkhane zacesla tagi sals.' "

³² Yeshui khoŋgunla mols, "De khyoŋzaa denba denba zerrad, te tagigun namkhane khyoŋze phamespogunla Mozessi salte manpin, innaj ŋe yabbi, khoŋji namkhane denbe tagibo salla dzaddanog. ³³ Konchoggi tagi ni namkhane yoŋste jigstenpagunla ʂog salkhanbo in."

³⁴ Khoŋgunni zers, "Tsoole, i tagibo ŋazaa dusgyun salla dzad."

³⁵ Yeshui khoŋgunla mols, "Da ni ʂog taŋkhanni tagi in. Deka yoŋkhangun mane mistogs, yaŋ ŋeka dadpa cokhangun mane miskoms. ³⁶ Innaj kazug ŋe khyoŋzagunla zerpin, khyoŋzagunni ŋe lasgun thoŋteaj dadpa macos. ³⁷ Yabbi ŋa salla dzadkhan tshaŋma ŋeka yoŋin, yaŋ ŋeka yoŋkhangun ŋe mane miphaŋ. ³⁸ Daraŋji dodpa manpa ŋa kalla dzadkhan ŋe yabbi thuggoŋsgun ʈubcugcessi phia ŋa namkhane yogga yoŋspin. ³⁹ Da kalla dzadkhanboe thuggoŋs ni, khoŋji ŋaa salla dzadkhan tshaŋme naŋne ciggaŋ stor macugga, thame ʐagga khoŋgun sontea laŋcugcespo in. ⁴⁰ Ona ŋe yabbi thuggoŋs ni, ʂas thoŋte dadpa cokhan tshaŋmala thamedpe mitshe thobces yaŋ ŋe khoŋgun thame ʐagga sontea laŋcespo in."

⁴¹ "Da ni namkhane babskhanni tagibo in" molcespoe Yahudapagunni khoŋji skorla bugces gozugs. ⁴² Khoŋgunni zers, "Kho ci Yosebbi butsha Yeshu manogga? Khoe phamagun ŋadaŋgunni shessianog. Tene khoe kazugga zerranog, 'Da namkhane babste in?'"

⁴³ Yeshui khoŋgunla mols, "De zerkhangunni skorla khyoŋzagunni skyonrjod coces phoŋshig. ⁴⁴ Sužiggaj ŋeka yoŋ minyan namtshogpa ŋa kalla dzadkhanni yabbi kho ŋeka khyoŋja midzad, yaŋ ŋe kho thame ʐagga sontea laŋin. ⁴⁵ Dampe suŋrabssi naŋja ɖia dzadte dug, 'Konchoggi khoŋ tshaŋmala labba dzadin.' Yabbi labca nyante khoŋji kane lobskhanni migun ŋeka yoŋin. ⁴⁶ Konchoggi chogsne yoŋkhanbo manpa sužiggiaŋ yab majal, kho cigpoe yab jalte in."

⁴⁷ De khyoŋzaa denba denba zerrad, ŋeka dadpa khyoŋkhangunla thamedpe mitshe thobte in. ⁴⁸ Da ni ʂog taŋkhanni tagibo in. ⁴⁹ Khyoŋze phamespogunni ristoŋji naŋja manna zerkhanni tagi zos innaj khoŋgun shi. ⁵⁰ Ika namkhane babskhanni tagibo yod, i tagi zakhangun mane mishi. ⁵¹ Ona ŋa namkhane babskhanni ʂog taŋkhanni tagibo in. Galtes sužiggi i tagi kane zana, kho thamedpa sontea lusin. I

tagibo 耶 shabo in, kabo 耶 jigstenpagunla thamedpe mitshe thobcessi phia chodpa tañin.

⁵² Yahudapagunni toa zerzer gozugs yaŋ khoŋgunni zers, "I miboe kazuggi jadaŋgunla khoe sha zaa taŋjanog?"

⁵³ Yeshui khoŋgunla mols, "De khyozaa denba denba zerrad, namtshogpa khyozagunni mirigssibui shabo mizaa, yaŋ khoe thagpo mithuŋ khyozagunni naŋja denbe şog med. ⁵⁴ De sha zoste 耶 thag thuŋkhanganla thamedpe şog yod. Thame ʐagga 耶 khoŋgun sontea laŋin, ⁵⁵ ciazerna 耶 sha denbe zan yaŋ 耶 thag denbe thuŋcespo in. ⁵⁶ Yaŋ 耶 sha zoste 耶 thag thuŋkhangun 耶 naŋja yaŋ 耶 khoŋgunni naŋja nasti yod. ⁵⁷ Şog salla dzadkhanni yab kaboe 耶 kalla dzads khoŋji ʐaste 耶 sontea in, tenna tsogsla suziggı 耶 kane zana 耶 ʐaste kho sontea lusin. ⁵⁸ Da namkhane babskhanni tagibo in. Khyoze phamespogun manna zerkhanni tagi zoste shi, innaj i tagi zakhangun thamedpa sontea lusin."

⁵⁹ Yeshui Kapharnahummi gyalse dukhaŋji naŋja labcaa sal zane khoŋji tegun mols.

Lobṭug maŋpoe Yesu spaŋs.

6:60 ne 71

⁶⁰ Yeshui zaltagun tshorte khoŋji lobṭug maŋpoe zers, "Khoŋji labcagun ma kagspo dug sui nyante teboeka ṭul thubin?"

⁶¹ Lobṭuggunni Yesu molkhanganne gyabgalla zergyu taŋkhanbo khoŋji khyen pasaŋ, khoŋgunla mols, "De spera zerkhangun khyozaa khamlog tshorra? ⁶² Galtes khyozagunni mirigssibu namkhaa staggala thoŋna karu kho sŋunla yodpin, tene ci samin? ⁶³ Konchoggi thugnyiddi thamedpe şog sallanog, mii stsonđus gyudte tebo thobces medkyag. De khyozaa zerkhangun Konchoggi thugnyidne in yaŋ şog taŋjanog. ⁶⁴ Teneaŋ khyozagunni ṭone khaciggi 耶eka dadpa macos." (Sui khoŋjika dadpa mico yaŋ sui khoŋja ŋolog cocespo Yesua gomane pharla thuggyus yodpin). ⁶⁵ Yeshui mols, "Tennaboephia 耶 khyozagunla zerpin, suziggiaŋ 耶eka dadpa khyoŋ minyan namtshogpa 耶 yabbi kho 耶aa misal.

⁶⁶ Tebo tshorracig khoŋji lobṭug maŋpoe khyoŋ phaŋste khoŋji stiŋraŋne mađaŋs.

⁶⁷ Tene Yeshui lobṭug cugnyispoa, "Khyozagunnaŋ 耶ka phaŋste chaa thadda ragga?" Mols.

⁶⁸ Shimon Pitarri zers, "Tsoole, ɳazaa suika chaa? Thamedpe ʂog salkhanni ʐalta nyeraŋŋa dug. ⁶⁹ ɻaze nyeraŋŋika dadpa coad yaŋ nyeraŋ ni Konchoggi chogsne skyodkhanni dampa inkhanbo ɳazaa gyusyod."

⁷⁰ Yeshui lan sals, "Khyozaa cugnyispo ɳe ɳaranŋi lobtugga maldamssa? Innaj khyoze ʈone cigcig rdudgunni gobe waŋŋi yogga dug." ⁷¹ (Khoŋŋi Shimon karyodpe butsha yude skorla molte innog, kho cugnyissi ʈone cig inteaŋ stiŋne Yeshua ɳolog coste inpin).

Yeshu daŋ khoŋŋi nogun.

7:1 ne 13

7 ¹ Te stiŋne Yeshu Galilli yuljoŋssi nassa maŋpoe naŋŋa skyods. Khoŋ yahude yuljoŋssi naŋŋa skyodnyin medpin, ciazunga teru Yahudape uskyoŋgunni khoŋ sadcessi thabs tsalladpin. ² Tshele naŋŋa dugcessi Yahudape duschen nyemo yodpin. ³ Yeshui nogunni Yeshua zers, "Ine biŋte yahude yuljoŋsla skyod, tene teru yodkhanni lobtuggunniaŋ nyeraŋŋi halasshessi dzadpagun thoŋnyanin. ⁴ Miŋcan gyurcessi dodpa yodkhangunni ibste las coa manog. Galtes nyeraŋŋa izug dzadpagun dzadnyannadna jigsten gaŋpoa sŋon cuggaŋ." ⁵ Khoŋŋi nogunniaŋ khoŋŋika dadpa macos.

⁶ Yeshui khonŋunla mols, "Khyozagun Yerushalemmi naŋŋa nam chanaj ɖigganog, innaj ɳe duspo taruŋ malebbain. ⁷ Khyozagunla jigstenpa dadpa medkhangunni naphrad mico, innaj ɳaa naphrad coanog, ciazerna ɳe khonŋunni las ɳanpagunni skorla spaŋpo taŋŋad. ⁸ Khyozagun duschenla soŋshig, ɳa micha ciazerna ɳe dus taruŋ malebbain." ⁹ Tebo molte Yeshu Galillii yuljoŋsla ʐugssa dzads. ¹⁰ Innaj khoŋŋi nogun duschenla soŋte stiŋne, suaŋ shes mashugga ibste khoŋŋaj Yerushalemmi naŋŋa duschenla skyods. ¹¹ Teru Yahudape uskyoŋgunni duschenni dusla, "Kho kane dug" zerin tsalladpin. ¹² Teru mitshogssi naŋŋa khoŋŋi skorla shabshub taŋste khaciggi, "Khoŋ zaŋpo innog" yaŋ khaciggi, "Khoe migunla gobskorte innog" zers. ¹³ Yahudape uskyoŋgunla jigs pasaŋ, suziggiaŋ khoŋŋa stodpa tshaŋme dunla taŋŋa medpin.

Yeshui chodkhaṇji naṇja labca sals.

7:14 ne 24

¹⁴ Duschen stsicessi dus phed zodcigga, Yesu kyenla chodkhaṇja skyodte labca salces gozug dzads. ¹⁵ Yahudape uskyoṇgun halaste zers, "Lobjoṇ mane mathobba i mibo izam yontancanžig kazugga innog."

¹⁶ Yeshui lansals, "De labcagun ḥaraṇji man, ḥa kalla dzadkhanni Konchoggi chogsne in. ¹⁷ Konchoggi thuggoṇs naṇzin ṭulla thadkhanganla, ḫe labcagun Konchoggi chogsne inna ya ḥa ḥaraṇji, tebo hagoanog. ¹⁸ Khorāṇji waṇche naṇja zerkhanboe raṇstod tsalte innog, innaṇ kho kalla dzadkhanboa stsiwa tsalkhanboe zun mataṇja ḫaṇpo zerranog. ¹⁹ Khyože phamespogunla Mozessi kathimsgun salte manpinna? Innaṇ khyozaa suziggiaṇ teboa khaa manyans. Khyożagunni cia ḥa sadcessi stsonḍus coad?"

²⁰ Mitshogssi lantaṇs, "Khyorāṇji naṇja rdud ẓugste innog. Sui khyorāṇj sadcessi stsonḍus corug?"

²¹ Yeshui khōṇgunla mols, "De halasshes dzadpažig cospa khyożagun halas. ²² Innaṇ Mozessi sunnad cos zerkhan naṇzin (Dospoa khyoże phamespogunni Mozessi saṇ sjuṇla te tshirbo gozugste inpin), khyożagunni shabbaddi ḥaltshoe ẓagga ṭugu butshagunla sunnad^g corug. ²³ Ta khyożagunni Mozessi kathimspo cag micagcessi phia, galtes shabbaddi ẓagga khyożagunni raṇraṇji ṭugu butshaa sunnad cocug nyannadna, tene shabbaddi ḥaltshoe ẓagga ḫe mizig nadne phancugna khyożagunla ḥeka cia şo yoṇjarag. ²⁴ Mii samtshulne thagmacadda ḫaṇpoe thagcad coshig" mols.

Yesu Konchoggi Idamma dzadkhanni Mashika innogga?

7:25 ne 44

²⁵ Yerushalempa khaciggi ḫices gozugs, "Khōṇgunni sadcessi stsonḍus cokhanni mibo innabo manogga? ²⁶ Stosshigaṇ khoe ḥadaṇ tshajme dunla sjuṇte labca taṇjala, yaṇ uskyoṇgunni khōṇji gyabgalla caṇ zerra midug. Ci khōṇgunni kho Mashika innog zerte dadpa coste innahe? ²⁷ I mi kane in ḥazaa gyusyod, innaṇ Konchoggi Idamma dzadkhanni Mashika skyoddacig khoṇ kane in suaṇ gyus micha."

^g7:22 sunnaddi tonbo ni butshe she kane pagspa cadte stags cocespo innog.

²⁸ Yeshui chodkhañji nañja labca sal zane shed nañ mols, "Khyozagunni denba ña shessadda? Yañ ña kane in denba gyusyodda? Ñe ñaranjji wañche nañja iru mayoñspin innaj ña kalla dzadkhanbo tantan id, khyozagunni khoñ shessa manog.

²⁹ Ñe khoñ shessad ciazerna ña kholñji chogsne yoñste in yañ kholñji ña kalla dzadte in." ³⁰ Tebo tshorracig uskyoñgunni khoñ zumcessi stsonðus cos, innaj suziggiañ kholñja lagpa mastses ciazerna kholñji duspo taruñ malebba inpin.

³¹ Innaj mitshogssi òone mañpoe kholñjika dadpa khyoñste zers, "Ci Konchoggi ldamma dzadkhanni Mashika skyoddacig i miboe sañ mañja halasshessi stasgun staninnahe?"

³² Mitshogssi Yeshui skorla tezug shabshub tañcespo pharushipagunni tshorracig, kholñgun dañ lama uskyoñgunni chodkhañ ſuñkhanni magmigun khoñ zumste khyoñcesla kals. ³³ Yeshui migunla mols, "Dus nyuñunzig ña khyozagun nyampo yod, tene ña kalla dzadkhannika logste chad. ³⁴ Khyozagunni ña tsalin, innaj ña mithob, yañ ña yodsa khyozaa yoñ minyan."

³⁵ Yahudape uskyoñgunni cig dañ cigga zers, "Ñadañgunni tsal minyances i mibo karu chen zerte innog. Ci kho Griispagunni òoa yante yodkhanni ñadañji migun yodsa soñte Griispagunla labca tañin samte innogga? ³⁶ Khoe 'Khyozagunni ña tsalin, innaj ña mithob, ña yodsa khyozaa yoñ minyan' zercessi tonbo ci inpin he?"

³⁷ Duschenni stijnjuggi ðag, tshajme sañ stsadcanni ðagga Yeshui ðanjste kuco salin mols, "Skomskhangun ñeka yoñshig, ³⁸ yañ ñeka dadpa cokhangun yoñste thuñshig, kazug dampe suñrabssi nañja molla nog, 'Dadpa cokhanni semssi nañne ñog tañcessi chui ltsañspogun gyugin.' " ³⁹ (Ñog tañkhanni chubo ni dampe thugnyid in, kabu kholñjika dadpa khyoñkhangunla stijnne thobces inpin, innaj tedus tshogpa dampe thugnyid salla madzadda inpin, ciazerna taruñ Yeshu staggazadte kholñja spal mathobba inpin).

⁴⁰ Te speragun tshore khaciggi zers, "Tantan i mibo Konchoggi luñstonpa skyodcescanbo innog kaboa ñadañgun ſuñste yodpin." ⁴¹ Yañ khaciggi zers, "Khoñ Konchoggi ldamma dzadkhanni Mashika innog" ðan khaciggi, "Galillipazig Mashika kazuggi in thubin? Mane mithub. ⁴² Dampe suñrabssi nañja molte midugga? Mashika gyalpo Dabiddi phorgyud yañ gyalpo Dabid skyesse yul Bedlehemmi ðoñkhyerne biñin." ⁴³ Tennaboephia Yeshui ðaste mitshogssi nañja po mañpo bud. ⁴⁴ Khaciggi khoñ zumcessi dodpa borradpin, innaj suziggiañ kholñja lagpa mastses.

Yahudape uskyoŋ khaciggi Yeshuika dadpa khyoŋs.

7:45 ne 53

⁴⁵ Chodkhaŋ ſuŋkhanni magmigun, pharushipa daŋ lama uskyoŋ ghunnika logste lebbacig, khoŋgunni magmigunla Griis, "Khyozagunni kho zumste cia makhyoŋspin?"

⁴⁶ Magmigunni lantaŋs, "Dazaa itsogssi labca salkhanzig mane mathoŋ."

⁴⁷ Tene pharushipagunni zers, "Khyorajunnaŋ khoe gobskorri naŋja ſoŋte inna? ⁴⁸ Waŋſulpagun daŋ pharushipagunni naŋne ciggiaŋ khoeka dadpa cossa?

⁴⁹ Macos. Innaj kathimssi skorla caŋ gyus medkhanni i mitshogspoe khoeka dadpa cos. Khoŋgunla ŋan phogte innog."

⁵⁰ Khoŋgunni ṭopa pharushipa Nikodemas kabu ſjunla Yeshua ɖiwa ɖiala ſoŋte inpin, khoe khoŋgunla Griis, ⁵¹ "Dadaŋji kathims naŋzin ſjunla mižigga khoe coskhanni skorla nyante mane khoa thimscad minyan zerte midugga?"

⁵² Khoŋgunni zers, "Ci khyorajunnaŋ Galillipa inna? Dampe ſuŋrabssi naŋja tsalna khyorajunna Galilline luŋſtonpažig biŋkhanbo mane mithob."

⁵³ (^htene khoŋ tshaŋma laŋste ranraŋji khaŋpa ſoŋ.

Logyem cokhanni bumо.

8:1 ne 11

8 ¹ Tene Yeshu oliwwi rika skyods, ² namlanjsacig khoŋ logste chodkhaŋja skyods. Mitshaŋma khoŋ yodsa dzoms, Yeshu mitshogsla labca salcesla ſeka zugs. ³ Tenna dusla chosthimsla khaspagun daŋ pharushipagunni bumozig khyoŋs kabu khorajunji ɿidmad manpa yaŋ mižig nyampo lusđel coin zumste inpin, yaŋ khoa mitshogssi dunla laŋcugs.

⁴ Khoŋgunni Yeshua zers, "Lobponle, i bumobo logyem coin zumspin. ⁵ Mozessi thims naŋzinla, itsogssi bumoa rdoa gyabste sadcessi ŋadaŋja ka yod, innaj nyeraŋji ci mollad?"

⁶ Khoŋgunni i ɖiwabo Griis ciazerna Yeshui i thimssi gyabgalla zerna, khoŋja skyon kalte zumin sams.

Innaj Yeshui u ghuste dzigu nyampo ſeka ɖia dzadces gozug. ⁷ Khoŋgunni yaŋ daŋ yaŋ khoŋja ɖiin dugspa khoŋji u stagste khoŋgunla, "Khyoze ʈone dagsa

^{h7:53} Griissi specha snyiŋpa maŋpoe naŋja 7:53 ne 8:11 tshogpa Griiste medte innog. Griiste yodkhangunni naŋja ibo Yohananni 21:24 stiŋne, yaŋ luke 21:38 stiŋne thobdug.

tshagpa sdigpa mane macoa yodkhanboa goma i bumoboa rdoa gyabcugs" mols.

⁸ Yaŋskyar khoŋji u ghuste seka dia dzads.

⁹ Tebo tshorracig, ɖiwa ɖikhangun rere coste tekane soŋ, rgadpogunne gozugste tetetshogpa nam Yesu cigpo mane laŋste yodkhanni bumo yodsa malus. ¹⁰ Yesu ʐaŋste khoa mols, "Bumo, khoŋ tshaŋma karu soŋ? Sužiggiaŋ khyoranŋja shicessi thims macadsa?"

¹¹ Khoe zers, "Tsoole, sužiggiaŋ caŋ macos."

Tene Yeshui mols, "Deaŋ skyon mikal. Soŋ, tanepharla sdigpa maco").

Skyabgon Yeshu ni jigstenni od.

8:12 ne 30

¹² Yeshui migunla labca salin mols, "Na ni jigstenpagunni phia od in. Ne stiŋraŋne ɖaŋskhangun munɖiggi naŋŋa miɖul, ciazerna thamedpe mitshee chogsla thidkhanni od khoŋgunni naŋŋa yodte innog."

¹³ Tebo tshorracig pharushipagunni Yeshua zers, "Khyoranŋji raŋŋi phia spaŋpo taŋspa thims naŋzin khyoranŋji spaŋpobo rinmed theanog."

¹⁴ Yeshui khoŋgunla lansals, "Ne ɳaranŋji skorla spaŋpo taŋŋadnaŋ ŋe spaŋpobo rinmed man ciazerna ɳa kane yoŋste in, yaŋ karu chaces in ɳa gyusyod. Innaŋ khyozaŋunla tegun gyusmed. ¹⁵ Khyozaŋunni mii samtshul naŋzin shags caddug, innaŋ ŋe suaŋ shags caddamed. ¹⁶ Galtes thimscadna ŋe thimscadpo ɖaŋpo yoŋin ciazerna thimscad zane ɳa cigpo med, ɳa kalla dzadkhanni yab ɳa nyampo yod. ¹⁷ Khyoze thimssi naŋŋa dia dzadte dug 'Mi nyissi spaŋpo taŋna, skyonbo denba then' ¹⁸ Ne ɳaranŋji phia spaŋpo taŋŋad, yaŋ ŋe spaŋpo nyispa ni ɳa kalla dzadkhanni yab in."

¹⁹ Tene pharushipagunni Yeshua Griis, "Khyoranŋji yab kare?"

Yeshui lansals, "Khyozaŋunni ɳa mashes ya ŋe yabbaŋ. Galtes khyoze ɳa shespinna ŋe yabbaŋ sheste yodđo." ²⁰ Chodkhaŋŋi bulldus phulse ghammi dunla labca saldus khoŋŋi te speragun molla dzads. Innaŋ sužiggiaŋ khoŋ mazums ciazerna khoŋŋi duspo taruŋ malebba inpin.

²¹ Yeshui yaŋskyar khoŋgunla mols, "Na thagrīŋŋa chad. Khyoze ɳa tsalin, innaŋ khyozaa khyoze sdigpe naŋŋa shiin. Karu ɳa chad khyozaŋun teru yoŋ minyan."

²² Yahudapa uskyonŋgunni zers, "Ci khoe khoraŋ sadces innogga? Teboephia khoe 'Karu ɳa chad khyozaa yoŋ minyan' zerte innogga?"

²³ Yeshui taruŋŋaj mols, "Khyožagun yogne innog, yaŋ ḥa stagnē in. Khyožagun i jigstenne innog, ḥa i jigstenne man. ²⁴ Ȑe khyožagunla zerpin, khyozaa khyože sdigpe naŋŋa shiin. Galtes khyože ḥa tennabo in zerkhanboa den mashesna, khyozaa khyože sdigpe naŋŋa shiin."

²⁵ Khoŋgunni Griis, "Khyoraŋ su in?"

Yeshui mols, "Ia tennabo in kazug gomane pharla ḥe khyožagunla zerradpin.

²⁶ Khyože skorla ḥa zergyu daŋ shags cogyu maŋpo yod, innaj ḥe mico. Ȑe ḥa kalla dzadkhanni kane tshorkhangun jigstenpagunla shaddad yaŋ khol ni idshescan zugste in." ²⁷ Khoŋŋi Konchog yabbi skorla molkhanbo uskyoŋgunni ha mago.

²⁸ Tene Yeshui mols, "Khyože mirigssibu škyanshiŋŋika stag zane, khyožagunla ḥa tennabo inkhan gyuschen. Ȑe ḥaranji caŋ coamed, innaj yabbi ḥa labba dzadkhanbo zerrad. ²⁹ Yaŋ ḥa kalla dzadkhanbo ḥa nyampo yod, kholŋi ḥa cigpo phaŋste borra madzads ciazunga ḥe dusgyun khol thugsthadkhanbo coad." ³⁰ Yeshui te ʐaltagun molin yod zane mi maŋpoe kholŋika dadpa khyoŋs.

Abraham ya rdudgunni gobe phorgyud.

8:31 ne 47

³¹ Yeshui kholŋika dadpa kholŋkhanni Yahudapagunla mols, "Galtes khyože ḥe labcagunni stanpo dugna, khyozaa ḥe denbe lobtuggun in. ³² Tene khyozaa Konchoggi denbabu hago thubin yaŋ tenna denbaboe khyozaa raŋwaŋ taŋin."

³³ Khoŋgunni lantaŋs, "Iazaa Abrahammi phorgyud in yaŋ mane tsheyogga malussa inpin. Nyeranji ḥazaa raŋwaŋ thobin zercessi tonbo ci in."

³⁴ Yeshui kholŋunla mols, "Ȑe khyozaa denba denba zerrad, sdigpa cokhan tshaŋma sdigpe tsheyog innog. ³⁵ Yaŋ tsheyog sponboe naŋmi mane migyur, innaj butsha dusgyun naŋtshaŋssi khagzīg innog. ³⁶ Galtes şassi khyožagunla raŋwaŋ taŋna khyožagunla denbaa raŋwaŋ thobin. ³⁷ Khyozaa Abrahammi phorgyud inkhanbo ḥe shessad, teneaŋ khyože ḥa sadcessi stsonđus corug ciazerna khyožagunni semssi naŋŋa ḥe labce phia nassa medte innog. ³⁸ Yabbi dunla yod zane thoŋkhangun ḥe khyozaa shaddad, innaj khyožagunni khyože abe kane tshorkhangun coanog."

³⁹ Khoŋgunni lantaŋs, "Iaze aba Abraham in."

Yeshui kholŋunla mols, "Galtes khyožagun Abrahammi phorgyud inpinna khyože aŋ Abraham tsogssi lasgun coaddo. ⁴⁰ Ȑe khyožagunla Konchogne

tshorkhanni ڏاڱپوے speragun shad pasaj, khyože ңا sadcessi stsonđus corug. Abrahammi tezug mane macos.⁴¹ Khyože abe cokhanni lasgun khyože coanog."
 Khoŋgunni Yeshua, "Iažagun nalu man, Konchog khoŋraŋtsa ңаže yab in" zers.
⁴² Yeshui khoŋgunla, "Galtes khyozagunni yab, Konchog inpinna, khyože ңа camspa coadđo, ciazerna ңа Konchogne yoŋste dagsa ika yod. Ҥa ika ңaraŋji wanche naŋja yoŋste man, kholŋji ңа kalla dzadte in.⁴³ Cia, khyozaa ңe speragun ha mago innog? Ciazerna khyozaa ңe labcagunla dadpa coala thadda manog.
⁴⁴ Khyozagunni aba ni rdudgunni goba innog, yaŋ khyozaa khyože abe dodpa naŋzin lasgun coa thaddanog. Kho jigsten chagspane pharla misadžig in, yaŋ Konchoggi denbe labcagunla naphrad coanog, khoe naŋja ڏاڱpo caŋ medte innog. Khoe zun taŋ zane khoraŋji skad taŋjanog ciazerna kho zunjan yaŋ zungunni aba innog.⁴⁵ Innaŋ ңe Konchoggi denbe labca shadcespoe khyozagunni ңeka denshessa manog.⁴⁶ Khyože ҭone sui ңа sdigpe las coste noŋscan inkhanbo stan thubin? Galtes Konchoggi denbe labca ңe khyozaa shaddadna, tene khyozagunni ңeka dadpa cia coamed?⁴⁷ Konchoggi inkhangunni kholŋji molkhan tshaŋma nyannanog, innaŋ khyože minyanceSSI gyuntshanbo ni khyozagun Konchoggi manog" mols.

Tsoo Yeshu Abrahammi saŋ maŋja jigsPO.

8:48 ne 59

⁴⁸ Yahudapagunni lantaŋs, "Iaže khyoraj Samarriyapa rigsŋjan yaŋ khyorajni naŋja rdud զugste innog zerkhanbo denba manogga?"

⁴⁹ Yeshui mols, "Ie naŋja rdud զugste med. Ie ңaraŋji yabba stsiwa coad, innaŋ khyozagunni ңа stsiwa coa midug.⁵⁰ Ie ңaraŋja stsiwa tsalla med. Ona ңaa stsiwa tsalla dzadkhanžig yod yaŋ khoŋ ni thimscad dzadkhanbo in.⁵¹ Ie khyozaa denba denba zerrad, ңe labcaa khaa nyankhangun mane mishi."

⁵² Khoŋgunni kholŋja zers, "Ta ңažaa hago khyorajni naŋja rdud զugste yodte innog. Abraham ڏoŋs yaŋ tenna tsogsla զan luŋstonpagunnaŋ, innaŋ khyorajni zerranog khyorajni labcaa khaa nyankhangun mane mishi.⁵³ Khyoraj ci ңaže phamespo Abrahammi saŋ jigsPO inna? Khoŋ ڏoŋs yaŋ luŋstonpagunnaŋ, khyoraj rajdaŋraŋ su in sammarag."

⁵⁴ Yeshui mols, "Galtes ңe ңaraŋja rajstod taŋna te stodpabo tonmed innog. Ie yabbi ңaa spal salin, khyože kholŋja khyozaa rajŋi Konchog zerrad.⁵⁵ Khyože kholŋ shessa manog innaŋ ңe kholŋ shessad. Galtes ңe shessamed zerna ңaŋ

khyożagun tsogsla zunjan gyurin. Innaŋ ḥe khoj shessad yaŋ ḥe khojŋi ka khanyannad.⁵⁶ Khyoże phamespo Abrahammi ḥe duspo thoncessi skorla sam zane khoj maşanṭe thad. Khojŋi tebo thoj yaŋ ma thadpo soj."

⁵⁷ Yahudapagunni Yeshua zers, "Khyoranji lo taruŋ şnabcuaŋ masoŋ, khyoranji Abraham thoj zerte kazuggi zerrad."

⁵⁸ Yeshui khonjuna mols, "De khyożaa denba denba zerrad, ḥa ni Abraham maskyee saj sjunla yodpin."⁵⁹ Tebo tshorracig Yahudapagunni khoj sadcesla rdoa khurs, innaŋ Yeshu khonjunnne ibste chodkhaŋne biŋste skyods.

Yeshui ʐarazig phancugga dzads.

9:1 ne 12

9 ¹ Yeshu lamne skyod zane khojŋi skyespane pharla ʐara yodkhanni mizig zigs. ² Khojŋi lobtuggunni khojŋa Griis, "Lobponle, sui sdigpe ʐaste kho ʐara skyeste innog, khoranji ya khoe phamagunni?"

³ Yeshui khonjuna mols, "Khoe ya khoe phamagunni sdigpe ʐaste manog, innaŋ Konchoggi chaglasgun khoe mitshe naŋja sŋon cugga dzadcessi phia kho ʐara skyeste innog. ⁴ Nyime odpo yod zane ḥadaŋgunni ḥa kalla dzadkhanni chaglasgun cogos. Tshan lebin nam suiŋ las co minyan. ⁵ Namtshogpa ḥa jigstenni naŋja yod ḥa jigstenpagunni phia od in."

⁶ Tezug molte stiŋne Yeshui seka thu phaŋja dzads, yaŋ teboa kalag coa dzadte ʐaraboe migga skua dzads. ⁷ Khojŋi khoa mols, "Soŋte khyoranji mig Shiloammi ziŋji naŋja thus" (Shiloammi ton ni kalces innog). Tene kho soŋte khoranji mig ziŋji naŋja thus yaŋ khoa migne thojın khoranji khanpa logste soj.

⁸ ʐaraboe khyimtshesgun daŋ sjunla kho ʐara ltsaŋin thojkhangunni cig daŋ cigga Griis, "Kho lammi thama dugste ltsaŋkhanni mibo manoggā?" ⁹ Khaciggi, "Tennabo innog" yaŋ ʐangunni, "Manog, kho te mibo tsogsshig thojđug" zers. Innaŋ te miboe utshugs taŋin, "Da tenna ʐarabo in" zers.

¹⁰ Khoŋgunni Griis, "Tene khyoranji mig kazuggi phan?"

¹¹ Khoe lantaŋs, "Yeshu zerkhanni miboe kalag coste ḥe miggika skua dzadte ḥaa soŋte Shiloam ziŋji naŋja migpo thucessla mols. Tene ḥa soŋte mig ziŋji naŋja thuacig ḥaa migne thoj."

¹² Khoŋgunni Griis, "Yeshu kane dug?"

^{i8:58} Yahudapagunni Yeshui, 'Da ni Abraham maskyessi saj sjunla yodpin' zercespo Yeshui khoranji Konchog in zerkhanbo hagoadpin. Teboephia khonjuna şo yonste Yeshu sadces cos.

Khoe, "Da gyusmed" zers.

Pharushipagunni stsarcod tańs.

9:13 ne 34

¹³ Tene khoŋgunni skyespane pharla ʐara yodkhanni mibo pharushipagunni khyoŋs. ¹⁴ Yeshui kalag coa dzadte ʐaraboe mig phancugga dzadkhanni ʐagpo shabbaddi ɳaltshoe ʐag inpin. ¹⁵ Tennaboephia pharushipagunniaŋ khoa Griis, "Khyoranŋja kazuggi thoŋthub." Khoe lantańs, "Yeshui ɳe miggika kalag skua dzads yaŋ ɳe thuacig ɳa migne thoŋ."

¹⁶ Pharushipa khaciggi zers, "Yesu zerkhanni mibo ni Konchoggi chogsne manog ciazerna khoe shabbaddi ʐaggi ʈhimsgun maʂuŋs."

Žan khaciggi, "Sdigcanziggga itsogssi stasgun kazuggi stan nyanin?" Zers. Teboephia khoŋgunni naŋŋja khag bud.

¹⁷ Tene khoŋgunni ʐaraboa yaŋskyar Griis, "Khyoranŋji mig phancugkhanni miboe skorla khyoranŋji ci samba in."

Khoe lantańs, "Tantan khoŋ luŋstonpažig innog."

¹⁸ Yahudapa uskyoŋgunla i mibo ʐara yodkhan yaŋ dagsa thoŋ zerkhanbo taruŋŋjaŋ den mashespa khoe phamagun bodte khyoŋs. ¹⁹ Khoŋgunni khoe phamagunla Griis, "I mibo khyoze butsha inna? Ci kho ʐara skyessa? Tene khoa dagsa kazugga thoŋte innog?"

²⁰ Phamagunni lantańs, "Kho ɳaze butsha in yaŋ kho ske zane ʐara yodpin.

²¹ Innaŋ khoa kazuggi dagsa thoŋŋad yaŋ sui khoe mig phancugs ɳazaa caŋ gyusmed, khoranŋja ɖia dzad. Kho ldankhanžig inpa khoe nyeze ɖiwagunla lan taŋnyannanog." ²² Yahudape uskyoŋgunla jigsshespe, khoe phamagunni tezug zers ciazerna uskyoŋgunni, Yeshua Konchoggi ldamma dzadkhanni Mashika innog zerkhangun dukhaŋŋji chosthogssi ʈone phiŋs tajin zerte thagcadte inpin. ²³ Tenna gyuntshanboe phia khoe phamagunni, "Kho ldankhanžig innog khoranŋja ɖia dzad" zers.

²⁴ Uskyoŋgunni sŋunla ʐara yodkhanni miboa lan nyispa bodte Griis, "Konchoggga stsiwa coste ɖaŋpo zer. ɭazaa gyusyod Yesu zerkhanni mibo sdigcan innog."

²⁵ Khoe lantańs, "Khoŋ sdigcan inna man ɳa gyusmed, innaŋ spera cig ɳa tantan shessad ɳa sŋunla ʐara inpin dagsa ɳa thoŋŋad."

²⁶ Khoŋgunni khoa yaŋskyar Griis, "Khoe khyoranŋja ci cos? Khyoranŋji migpo khoe kazugga phancugs?"

²⁷ Khoe zers, "Ie khyożagunla sjunla zerpin, innaj khyożagunni nyanna midug. Ta tenna sperabo yañskyar nyannyin ragga? Ci khyożagunna j khoujji lobtug gyurnyin ragga?"

²⁸ Tene uskyongunni khoa thelba coin zers,, "Khyoraj khoe lobtug innog. Iazaa ni Mozessi lobtug in. ²⁹ Konchoggi Mozes nyampo żalta salte inkhanbo ɻažaa shessad, innaj i mibo kane yoñste in ɻažaa cañ gyusmed."

³⁰ Khoe lantajs, "Ibo ma yamtshan rag. Khyożagunni khouj kane yoñste in shessa mednaj khoujji ɻe mig phancugga dzads. ³¹ Ibo tshañme shessanog, Konchoggi sdigcangunla sanna manog, innaj Konchoggi jigssi nañja ɻulte khoujji thuggoñs nañzin cokhangunla sannanog. ³² Skyespane pharla ɻara inkhanzig phancugga dzadkhanni skorla suziggiaj dagsa tshogpa tshore meddo. ³³ Galtes i mibo Konchoggi chogsne manpinna khoujja cañ conyante meddo."

³⁴ Khoujgunni zers, "Khyoraj skyespane pharla sdigpe gañste yodte innog. Iažagunla labcessi hampa kazuggi yoñs." Tene khoujgunni i mibo dukhanji chostshogssi ɻone phiñs.

Semnyiddi thogne ɻara.

9:35 ne 41

³⁵ Yahudape chostshogssi ɻone phiñkhanni miboe skorla Yeshui sans, khou thobbacig khoujji dia dzads, "Khyorajji mirigssibuika dadpa coadda?"

³⁶ Khoe zers, "Khouj su innog? Khoujnika dadpa conyancesla ɻaa shadda dzaddan".

³⁷ Yeshui khoa, "Khyorajji khouj thoñste in, yañ dagsa khyoraj nyampo spera tañkhanbo khouj in" mols.

³⁸ Khoe zers, "Kye Tsoo, ɻe nyerañjika dadpa coad" yañ khoe Yeshua chag phulte cols.

³⁹ Yeshui mols, "Zaragunla thoñcugces yañ thoñkhangunla ɻara inkhanbo stante jigstenpagunla thimscad cocessi phia ɻaa yoñste in."

⁴⁰ Khouj nyampo yodkhanni pharushipa khaciggi tebo tshore zers, "Ci, ɻažagunna ɻara innogga?"

⁴¹ Yeshui mols, "Galtes khyożagun ɻara inpinna khyożagunni nañja sdigpa cokhanni skyon thobte meddo, innaj dagsa khyoże ɻažaa migne thoñjad zerpa khyoże nañja skyon luste innog."

Skyabgon Yeshu ni lugsdzi zañpo.

10:1 ne 21

10 ¹ Yeshui mols, "De khyozaa denba denba zerrad, lugre nañja ghone mayonja stsigpe kane dzagste yoñkhangun škunma dañ cagpa innog. ² Ghone yoñkhanbo luggunni lugsdzi innog. ³ Ghoṣujpe lugsdzia gho pheanog yañ luggunni lugsdzii skadbo ñoshessianog. Lugsdzii khoranji lug rerea miñ bodin philogga thidte khyerranog. ⁴ Khoe rañji lug tshajma philogga phij tsharracig, kho luggunni sañ sñunla ȳulin yañ luggun khoe stiñrañne yoñin ciazerna tegunni khoe skad ñoshessianog. ⁵ Luggun ȝanma mii gyabne machaa te mibone thagriñja shorte chen, ciazerna tegunni ȝanma miboe skad ñoshessa manog."

⁶ Yeshui Yahudape uskyoñgunla te spebo salla dzads, innaj khoñji khoñgunla molkhanbo hamago.

⁷ Tennaboephia Yeshui yañskyar mols, "De khyozaa denba denba zerrad, ja ni lugre ghobo in. ⁸ De sañ sñunla yoñskhan tshajma ni škunma dañ cagpa inpin, innaj ñe luggunni khoñgunni zerkhangun manyans. ⁹ Da ni ghobo in, ja gyudte lugre nañkugga ȝugskhangunla tharpa thobin. Gagzaa medpa khoñgun nañkugga yoñces dañ philogga chen yañ stsakhaa gyalla thobin. ¹⁰ Škunma ni ñe luggun škuces, sadces dañ medkhan coces cigpoe phia yoñjanog. Innañ ja ni tegunla gañpo mitshe tshimspozig tañcesla yoñste in."

¹¹ "Da ni lugsdzi zañpobo in. Lugsdzi zañpoe luggunni phia khoranji ñog tañjanog. ¹² Lapa luggunni dagpo lugsdzi man pasañ, shañku yoñja thoñjacig kho luggun phañste shorranog. Tene shañkui luggunla spuñgol coste thayan cugin.

¹³ Kho shorte chanog ciazerna kho lapañig innog yañ luggunla cichanañ tsherkha medkyag."

¹⁴ "Da lugsdzi zañpobo in. De ñarañji luggun shessad yañ ñe luggunni ja shessianog, ¹⁵ kazug yabby ja shessad, ñeañ yab shessad. Yañ luggunni phia ñe ñarañji ñog tañin. ¹⁶ Da i lugkhyui ȳoa medkhanni yañ lug riggañ yod. De tegunnañ khyoñgos, tegunniañ ñe skadla nyanin, tene lugkhyui cig dañ lugsdzi cig yoñin."

¹⁷ "De yabby ja camspa dzadcessi gyuntshan ni ñe ñarañji ñogpo chodpa tañcespo in, yañskyar logste thobcessi phia ñe tebo coad. ¹⁸ Sužiggaj ñe ñog ñe kane len minyan, ja ñarañ thadte ñari ñogpo tañjad. Da ibo tañces yañ logste lencessi wañ yod ciazerna yab Konchoggi ja ka salla dzadte yod."

¹⁹ Tezug molkhanboe zaste Yahudape uskyoŋgunni naŋja khag bud. ²⁰ Khoŋ manpoe zers, "Khoa rdud zugste snyoste innog, khoa cia nyannad?" ²¹ Innaŋ ɻan khaciggi, "I speragun rdud zugskhanziggi manog. Rduddi ɻaraa migne thoncug nyannanogga? Mane nyanna manog" zers.

Yahudapagunni Tsoo Yeshuika dadpa makhyoŋs.

10:22 ne 42

²² Ghundusla chodkhaŋ yaŋskyar stsigskhan idtu coin duschen stsi dusla Yeshu Yerushalemmi naŋja yodpin. ²³ Yeshui chodkhaŋji naŋja Solomonni yabs zerkhannika zabđul dzaddadpin. ²⁴ Yahudapagun khoŋja skorte dugs yaŋ zers, "Namtshogpa ḥazagun thetshomssi naŋja borrad. ɻazaa salpo shoddaj, khyoraj ldamma dzadkhanni Mashikabo inna?"

²⁵ Yeshui lan sals, "De khyožagunla shadpin, innaŋ khyože denshessa midug. De ḥaraŋji yabbi waŋji naŋja cokhanni halasshessi lasgunni ḫe phia spaŋpo taŋjanog. ²⁶ Innaŋ khyožagunni denshessa midug ciazerna khyožaa ḫe lug manog. ²⁷ De luggunni ḫe skad nyannanog yaŋ ḫe khoŋgun shessad. Khoŋgun ḫe gyabne yoŋjanog. ²⁸ De khoŋgunla thamedpe mitshe taŋin yaŋ khoŋgun nyalwe naŋja mane miphaj. Sužiggiaŋ khoŋgun ḫe lagne kogste khyer minyan. ²⁹ I luggun ḫe lagga stadda dzadkhanni ḫe yab tshaŋmesaj waŋcan zugste in. Sužiggiaŋ ḫe yabbi lagne khoŋgun kogste khyer minyan. ³⁰ Da daŋ yab nyisko cig in."

³¹ Yaŋskyar Yahudapagunni khoŋja rdoa gyabste sadcessi phia rdoa khurs.

³² Innaŋ Yeshui khoŋgunla mols, "De ḥaraŋji yabbi chogsne halasshessi dzadpa manpo stanpin, tegunni naŋne kaboe phia ḫa rdoa gyabste sadces coad?"

³³ Yahudapagunni khoŋja zers, "Daže khyorajji halassessi dzadpagunni phia manpa, khyoraj mi in innaŋ raŋdaŋraŋja Konchog in zerin Konchogga dadlog zuskhanboe phia rdoa gyabste sadin."

³⁴ Yeshui lan sals, "Khyožagunni kathimssi speche naŋja Konchoggi izug molla dzadte midugga?, 'De zerpin, 'Khyožaa Konchoggun in.' ³⁵ Galtes Konchoggi lon thobkhanni migunla Konchoggun molladna, (Yaŋ dampe suŋrabs mane gyur minyancespo khyožaa gyusinnog) ³⁶ Yabbi khoŋji chaglas cocesla skoa dzadte i jigstenni naŋja kalla dzadkhanboe skorla ci molin? De 'Da Konchoggi butsha in' zerkhanboa, Konchoggi dadlog zuste innog cia zerrad? ³⁷ Galtes ḫe ḥaraŋji yabbi laspo macona tene ḫeka id mashesshig. ³⁸ Galtes ḫe tegun coste khyože ḫeka id mashesnaŋ halasshessi dzadpagunnikata idshes cossaŋ, kaboe yab ḫe naŋja yaŋ

ŋa yabbi naŋŋa inkhanbo khyozaa gyussoŋte hago thubin." ³⁹ Khoŋgunni khoŋyaŋskyar zumces cos, innaj khoŋ khotŋunni lagnne shornyan.

⁴⁰ Tene Yeshu yaŋskyar Yordanni ltsaŋspoe pharkhaa sŋunla Yohananni thus taŋskhanni nasseka logste skyods yan teru zugs. ⁴¹ Mi manpo khoŋ yodsa yoŋste cig daŋ cigga zers, "Yohananni halassi dzadpa mane mastannaŋ khotŋji i miboe skorla molkhan tshajma danpo innog." ⁴² Yan teru yodkhan mi manpoe khotŋnika dadpa khyoŋs.

Lazarras sontea laŋŋa dzads.

11:1 ne 16

11 ¹ Ta Lazarras zerkhanni mizigga zumo yoŋste yodpin. Kho, khoe ace Miryam daŋ Martha ghun Bedthani ḋoŋkhyerne inpin. ² Miryam tenna bumobo innog, kaboe stiŋne Tsoo Yeshui ʐabsla atir lugste khoranŋji ſa nyampo phis. Khoe miŋbo Lazarrasla zumo yodpin. ³ Teboephia ſiŋmo nyiskoe, "Tsoole, nyeraŋŋi camspa dzadkhanni Lazarrasla zumo ſanṭe dug" zerte Yeshua ʐulon kals.

⁴ Tsoo Yeshui tebo sannacig mols, "I zumobo kho shicugcesla manog. Ibo Konchoggi spalli phia innog, kabu gyudte khotŋji ſaslaŋ ſpal thobin." ⁵ Yeshui Martha, khoe nomo Miryam daŋ Lazarrasla camspa dzaddadpin. ⁶ Lazarrasla zumo yodkhanni nastshul ſanteaŋ khoŋ maskyodda, tennaru yan zagma nyis zugs.

⁷ Te stiŋne khotŋji lobtuggunla mols, "Dadaŋ logste Yahuda chen."

⁸ Innaj lobtuggunni zers, "Lobponle, ſag khaciggi sŋunla Yahudapa uskyongunni nyeraŋŋa rdoa gyabste ſadces cos, teneaŋ nyeraŋ teru skyoddadda?"

⁹ Tsoo Yeshui lan sals, "Nyime chutshod cugnyispo od medkyagga? Nyime oddi naŋŋa ɬulkhangun gag gyabste gyella manog, ciazerna jigstennika phogkhanni oddi khotŋja thoŋ thubbanog. ¹⁰ Innaj tshanni mundiggi naŋŋa ɬul zane kho gag gyabste gyellanog, ciazerna od medpa innog."

¹¹ Tezug molte stiŋne, Tsoo Yeshui khotŋunla mols, "Dadangunni dzao Lazarras nyidla ſoŋte innog, innaj ŋa teru khoa nyidtshaddala chad."

¹² Lobtuggunni Yeshua zers, "Tsoole, galtes kho nyidla ſoŋte yodna khoe zumo gyallanog." ¹³ Yeshui kho ſhite innog molte inpin, innaj khotŋji lobtuggunni kho denbaa nyidla ſoŋte inkyag sam.

¹⁴ Tsoo Yeshui khotŋunla ſalpo shadda dzads, "Lazarras ſhite innog, ¹⁵ innaj khyozagunni phanthogssi phia kho ſhi zane ŋa kho nyampo teru medpa ma thadpo rag ciazerna tene khyože denba dadpa coin. Ta ŋadaŋgun kho yodsa chen."

¹⁶ Thomassi (Kaboa tshagtuggaŋ zerradpin) zanma lobtuggunla zers, "Yoňshig ňadaňgunnaŋ, ňadaňji lobpon nyampo shiala chen."

Thamedpe mitshe Yeshune thobin.

11:17 ne 37

¹⁷ Tsoo Yeshu daň khoňji lobtuggun Bedthani đoňkhyerri nyemoa lebbacig, Lazarrassi spur spurkhanji naňja borte ʐag ziŋ soňkhanbo Yeshua gyus skyod.

¹⁸ Bedthani đoňkhyer, Yerushalemne kilomitar summi thagriňja yodte innog.

¹⁹ Yaň Yahudapa maňpozig Martha daň Miryammi miňbo shicespoe khoňja semsso tańcesla yoňste yodpin. ²⁰ Marthe Yeshu skyoddug zerte tshorracig, Yeshu jallala philogga soň, innaŋ Miryam khanje naňja dugs.

²¹ Marthe Yeshua zers, "Tsoole, galtes nyeraň ika yodpinna ñe no mashia yodđo.

²² Innaŋ ňa gyusyod, nyeraňji cižig Konchogga ʐunaň khoňji salla dzaddanog."

²³ Yeshui khoa, "Khyoranji no yaňskyar sontea laňin" mols.

²⁴ Marthe lan taňs, "Đa gyusyodle, thame ʐagga shikhangun sontea laňji dusla, khoaň sontea laňin."

²⁵ Tsoo Yeshui khoa mols, "Đa ni shikhangun sontea laňkhan danj thamedpe mitshe tańkhanbo in. Neka dadpa cokhangun shiteaň sontea lusin, ²⁶ yaň ňeka dadpa coste sontea yodkhangun mane mishi. Khyoranji teboa idshes coadda?"

²⁷ Marthe zers, "Ona Tsoole, ñe dadpa coad, nyeraň ldamma dzadkhanni Mashika, Konchoggi şas i jigstenla skyodkhanbo innog."

²⁸ Tebo zerte stiňne kho logste soň, yaň Miryam sosoa bodte, "Lobpon iru skyodte khyoranji bodda dzaddug" zers. ²⁹ Miryammi tebo tshorracig, koag lajs yaň gyugste Yeshu yodsa soň. ³⁰ Yeshu taruň đoňsebbi naňja malebba tenna nassaboeka ʐugste yodpin, karu Martha khoňja thuggala yoňs. ³¹ Khanje naňja Miryamma semsso taňja dugste yodkhangunni Miryam koag lajste philogga chaa thoňspa, khoňgunnaŋ lajste khoe stiňraňne soň, ciazerna khoňgunni Miryam spurkhanji ňuala soňte innog sam.

³² Miryam Tsoo Yeshu ʐugste yodsa lebbacig, Yeshu thoňte khoňji ʐabssi dunla gyelete zers, "Tsoole, galtes nyeraň iru ʐugste yodpinna ñe no mashia yodđo."

j **11:17** Yahudapa khaciggi mižig shite stiňne khoe semsnyidpo zugspoe nyekhorla ʐagma sum tshogpala nasshes daň teboe stiňne mibo logste yoňcessi skabs mane medcespo sammadpin. Yeshu Lazaras yodsa gorte skyodcessi tontag cígciq ni, i mitshee naňja sontea laňja dzadcespo thetshoms medpa halasshessi dzadpazig inkhanbo stancesse dodpa inpin.

³³ Tsoo Yeshui Miryam daq kho nyampo yodkhanni Yahudapagun ɳua zigste snyijŋi thilne thugsskyomo skyods ³⁴ yaŋ khoŋgunla, "Lazarras karu borte yod" mols.

Khoŋgunni zers, "Tsoole, skyodte zigssaj."

³⁵ Yeshu shumsa dzads.

³⁶ Tene Yahudapagunni zers, "Stossaŋ, khotŋi Lazarrasla tsamshig cespa coa dzaddug."

³⁷ Innaj te ɻone khaciggi zers, "Khotŋi ɣaraa thoŋcugdug, ci Lazarras shicesne skyob minyanna?"

Yeshui Lazarras sontea laŋŋa dzads.

11:38 ne 44

³⁸ Yeshu snyijŋi thilne thugsskyomo skyodte spurkhanŋa skyods, tebo kheka pholoŋ kabskhanni ɣagphugshig yodpin. ³⁹ Yeshui, "Pholoŋbo thamaa ril" mols.

Shikhanboe ſiŋmo marthe Yeshua zers, "Tsoole, khoe spurbo tenaŋŋa borte ɣagpo zi soŋ, ɭima stsogpo yoŋste yoddø."

⁴⁰ Tsoo Yeshui mols, "De zerra meragga galtes dadpa cona Konchoggi spal khyoranŋa thoŋin."

⁴¹ Tene khoŋgunni pholoŋbo thama rils yaŋ Yeshui namkhaa zigste mols, "Kye ɻe yab, ɳaa sanna dzadspaa ɻe nyeraŋŋa thugrjeche ɣuad. ⁴² Nyeranŋi dusgyun ɳaa sanna dzadcespo ɳa gyusyod, innaj ɳaa khorte yodkhangunni nyeraŋŋi ɳaa kalla dzadkhanbo dadpa coste phanthogs thobcesla, ɻe innabo zerrad."

⁴³ Tebo molte ſtiŋne Yeshui shednaj mols, "Lazarras philogga biŋte yoŋ." ⁴⁴ Yaŋ shikhanni mibo biŋte yoŋs, khoe kaŋlag tshaŋma roras nyampo ſilte yaŋ goa rasshig skonte yodpin.

Yeshui khoŋgunla mols, "Silkhanbo tolte kho chacug."

Yeshu sadcessi ɭabs cos.

11:45 ne 57

⁴⁵ Miryamma thugga yoŋste yodkhanni Yahudapa maŋpoe Tsoo Yeshui dzadkhanbo thoŋte khoŋŋika dadpa cos. ⁴⁶ Innaj khacig pharushipagunnika ſoŋte Yeshui dzadkhanbo khoŋgunla shads.

⁴⁷ Tene lama uskyoŋgun daq pharushipagunni Yahudape tshogsdui thusmigun dzomcesla bodte ɭabs cos, "Dadaŋgunni ci coin? I miboe halasshessi stas maŋpo

standug.⁴⁸ Galtes ḥadañgunni kho inna zugga phudtañna tshañme khoeka dadpa coin. Tene Rompa magmigun yoñste ḥadañji chodkhan dan ḥadañji gyalkhamspo medkhan coanog."

⁴⁹ Te ṭone tenna loe lama chenmo inkhan Kayaphassi zers, "Khyozagunla cañ shessa midug.⁵⁰ Khyozagunla hagogos khyože phia khyože gyalkhams gañpo storri saj migunni tonla cig shina migyalla?"

⁵¹ Te speragun khoe ranji chogsne mazerra te loe lama chenmo incespoe, khoe Yahudape gyalkhamssi tonla Yeshu shicessi luñstan shadte inpin.⁵² Yañ Yahudape gyalkhams cigpo matshad, thessor soñkhanni Konchoggi migun kugste tebo nyampo cig gyurcugcessi phiañ inpin.⁵³ Tenna զagne pharla khoñgunni Yeshu sadcessi thabsldiñs.

⁵⁴ Teboephia tenepharla Tsoo Yeshu sñoncugste Yahudapagunni ṭoa skyodda madzadda, ristoñ ni nyemo Ephrayim zerse ḫonkhyerla skyodte khoñrañji lobtuggun nyampo zugs.

⁵⁵ Yahudape pesaggi duschen nyemo lebbacig, yul chogs tshañmane mi mañpo pesag lebbi saj sñunla stsajre tshirgun ḫanda cocesla Yerushalemmi gyalsa yoñs.⁵⁶ Khoñgunni Yeshu tsalladpin, yañ chodkhañji nañja yod zane cig dan cigga Griis, "Ci sammarag? Kho duschenla iru miyoñja?"⁵⁷ Tenna dusla lama uskyoñgun dan pharushipagunni galtes suzigga Yeshu iru yodkhanbo gyuschana lon khyoñgos zerte ka tañs, ciazerna khorunni Yeshu zumces inpin.

Yeshui զաբսիկա atir lugs.

12:1 ne 11

12¹ Pesaggi duschenni saj զա լուգի sñunla, Tsoo Yeshu sontea lañja dzadkhan Lazarrassi khañpa Bedthani ḫonkhyerla skyods.² Teru Tsoo Yeshui stsiwe nañja goñzanni ḫal coste marthe զաbstog zuadpin, Yeshu nyampo dontañ donkhanganne ṭoa Lazarrassaj yodpin.³ Te dus Miryammi ma kuspo atir litar phed zamshig Yeshui զաբսիկа lugste khoranji sha nyampo phis, tene khañpa gañpo atirri ծime ganj.

⁴ Innaj khoranji lobtuggunni ṭone Yuda karyodpe (Kaboe stijne Yeshua ḥolog cos) Miryamma zers.⁵ "Cia i atirbo tsoñste penebo nyalbacangunla matañspin? Iboe rinbo lo ciggi lacha zamshig rices dug."⁶ Nyalbacangunni phia tsherkha yodte manpa khoran şkunma in pasañ khoe tebo zers. Lobtuggunni kolcessi pene khomagspo khoe lagga borradpin yañ khoe tenajne skuadpin.

⁷ Yeshui mols, "Miryam tsher macug. Khoe ibo coste ḥe zugspo spurkhanja khyercessi phia ȳaldig coste in. ⁸ Nyalbacangun dusgyun khyozaa nyampo lusin, innaj ḥa dusgyun khyozagun nyampo milus."

⁹ Tenna dusla Yahudape mitshogs chenmoa Yeshu teru yodkhanbo gyussoŋpa khoŋgun yojs, ciazerna khoŋgunla Yeshu thugces cigpo manpa, khoŋji sontea lajna dzadkhanni Lazarraslaq ltanyin yodpin. ¹⁰ Tene lama uskyonŋgunni Lazarrassaj sadcessi jusjan ldijs. ¹¹ Ciazerna Lazarrasla cuŋkhanboe Yahudapa maŋpoziggi khoŋgun phajste Yeshuika dadpa khyonŋjadpin.

Tsoo Yeshua gyalpoe tshulla gasus zus.

12:12 ne 19

¹² Stijmažagpo duschenla yoŋskhanni mitshogs chenmoe Tsoo Yeshu Yerushalemma skyoddug zerte tshorpa, ¹³ khoŋgunni khope lcaŋme yalga tsogs khurte khoŋja gasus zuala biŋte kuco taŋin zers,

"Stodpa phulshig.

Konchoggi waŋji naŋja skyodkhanbo cinlabscan.

Israeli gyalpo cinlabscan."

¹⁴ Yeshui boŋsarshig zigsqa luŋstan ȳanda ȳubcessi phia khoŋ teka zonna dzads, kabu ni,

¹⁵ "Yerushalempagun^k majigsshig.

Stosshig khyoze gyalpo,

Boŋsarrika chibste skyoddala."

¹⁶ Tedus lobtuggunla khoŋji dzadkhangun can hamago, innaj Yeshua spal^l thobte stiŋne, khoŋjika te cuŋkhan tshaŋma dampe suŋrabssi naŋja ȳiadzadte yodkhanbo khoŋgunla hago.

¹⁷ Yeshui Lazarrasla spurkhanje bodda dzadte shikhanganne ṭone sontea laŋja dzad zane, teru yodkhanni mitshogspoe te nastshulbo kanekaru khyebshuggadpin.

¹⁸ Yeshui te halasshessi dzadpa dzadkhanbo tshorte mi maŋpo Yerushalemne khoŋja thuggala yojs. ¹⁹ Pharushipagunni cig daŋ cigga zers, "Dadangunni migzi thaŋspo milusshespo solpo thoŋdug. Stossaŋ mi tshaŋma khoe stiŋrajne chala."

^k**12:15** Griissi skaddi naŋja i tshigspo ni "Ri Ziyonni bumoa ta majigsshig" Griiste dug.

^l**12:16** spal donni Yeshu ḥonste sku sontea ȳanste namkhaa khyerra dzadcespo in.

Tsoo Yeshui khoj dojshespo luñstan dzads.

12:20 ne 36

²⁰ Ta duschenni dus Konchogga colla yoñkhangunni ṭoa Yahudapa mankhan khaciggañ yodpin. ²¹ Galillii yuljoñs Bedsedapa inkhangun, Philibbika yoñste khoa zuwa phuls, "Sponbole, ḥažagunla Yeshu jal nyinrag." ²² Philip Endriu shaddala soj, yañ khoj nyisko sojte Yeshua shads.

²³ Yeshui lan sals, "Mirigssibua Konchoggi chogsne spal thobcessi dus leb tshar. ²⁴ Ḫe khyozaa denba denba zerrad, namtshogpa doi saon se nañja subste shi mishi tebo ḫo cigga lussanog, innaj shite stiñne sminte teboa ḫasbu mañpo chagssanog. ²⁵ Naa saj mañja rañji ḥoggia yasha cokhangunni tebo skyalin, innaj i jigstenni nañja rañji ḥoggia saj mañja ḥaa yasha cokhangunni khoñji ḥogpo thamedpe mitshee phia skyobin. ²⁶ Naa ẑabstog ẑukhangun ḫe gyabne ḫaños, ḥaa yodsa ḫe yogpogunnañ dugin. Naa ẑabstog ẑukhangunla ḫe namkhaa ẑugskhanni yabbiañ stsiwa dzadin."

²⁷ Khoñji mols, "Ta ḫe semsla maşanṭe nags rag. Tene ci ḫe zerra, 'Kye ḫe yab, ta ḥaa i sdugsñalli duspone skyobba dzad?' Mane mizer ciazerna ḥaa inna gyuntshanboe phia yoñste in. ²⁸ Kye yab, nyerañji tshanla spal thob cugga dzad."

Tene namkhane suñskadcig tshor, "᠁e spal tañste in, taruñjañ spal tañin." ²⁹ Teru yodkhan mitshogs suñskad tshorkhangunni ḫugldirra rag zers, yañ khaciggi, "Phonye khoñja ẑalta salte innog" zers.

³⁰ Yeshui, "I suñskadpo khyozagunni phanthogssi phia in, ḫe phia man" mols.

³¹ Ta i jigstenpagunla thimscadcessi dus lebste in, i jigstenni dadpa medkhangunni wañsulpa shetan, philogga phiñja dzadin. ³² Yañ ḥaa kyenla stag zane ḫe mitshañme sems ḥarañ chogsla khyoñin." ³³ Yeshui tezug molte khoj dojstshulbo sijon cugga dzads.

³⁴ Mitshogssi zers, "Daze dampe suñrabssi nañne ldamma dzadkhanni Mashika dusgyun ẑugsin zerte tshor. Tene nyerañji kazugga mollad, 'Mirigssibu kyenla staggos?' I mirigssibu su innog?"

³⁵ Yeshui mols, "᠁e odpo khyozagun nyampo dus nyuñunziggi phia lusin. Mundiggi khyozagunniwañ mišulcessi phia te od yodyodpo tenañja ḫulshig. Mundiggi nañja ḫulkhangunla karu chacen cañ gyus medkyag. ³⁶ Khyozagun nyampo od yoddi dusla khyozagun te oddi ḫugu gyurcessi phia te odpoeka dadpa

khyoŋgos." Tebo molte stiŋne Yeshu tekane biŋste skyods yaŋ khonjgunne ibba dzads.

Migunni taruŋŋaj dadpa macos.

12:37 ne 50

³⁷ Tsoo Yeshui halasshessi dzadpagun stanteaj mi manchea khonjnika dadpa makhyoŋs. ³⁸ Ibo luŋstonpa Yesya molkhanbo ḋandaŋ ṭubte in,

"Nyeranji khyudcan chaglasgun sŋoncugsteaj,

Kye Tsoo, sui ɳadaŋji lonboeka idshes."

³⁹ Tenna gyuntshanboe khonjgunni dadpa makhyoŋs. Dampe suŋrabssi yaŋ khagshiggika luŋstonpa yeshaye molte dug,

⁴⁰ "Khoŋŋi khonjgunni miggun ɣara dan

Snyiŋgun skyoŋpo coa dzad pasaŋ

Khonjgunni migne mithoŋ

Yaŋ snyiŋgunla hago mithub,

Te manne khonjgunni gyodpa coste

De khonjgun phancugste yodđo."

⁴¹ Luŋstonpa yeshaye Yeshui spalbo thoŋ pasaŋ, khoŋŋi skorla tegun molte inpin.

⁴² Tedusla mi maŋpoziggi kaboe Ɋoa Yahudape uskyoŋ khaciggaŋ yodpin, Yeshui naŋŋa dadpa khyoŋs, innaj suaŋ mashads, ciazerna pharushipagunni khonjgun dukhaŋŋi chostshogssi Ɋone phiŋs taŋŋanog samte jigssadpin. ⁴³ Khonjgunni Konchoggi stodpe saŋ michogssi stodpa rinchea tshorradpin.

⁴⁴ Tene Yeshui kuco salte mols, "Na dadpa cokhangunni ɳa cigpo manpa ɳa kalla dzadkhanboŋ dadpa coanog. ⁴⁵ Yaŋ ɳa thoŋkhangunni ɳa kalla dzadkhanni yab jalte innog. ⁴⁶ Neka dadpa khyoŋkhangun mundiggi naŋŋa milusshessi phia ɳa jigstenni naŋŋa oddi tshulla yoŋste in."

⁴⁷ De speragun nyante laglen macokhangunla ɳe skyon mikal, ciazerna ɳa jigstenpagunla skyon kalla manpa tharpa taŋŋa yoŋste in. ⁴⁸ Na phaŋste ɳe speragun manyankhan tshaŋmaa ɳe zerkhan tenna speragunni thame ɣagga khonjgunla shags cadin. ⁴⁹ De ɳaraŋŋi waŋŋi naŋŋa zerramed, innaj ɳa kalla dzadkhan namkhaa ɣugskhanni yabbi ɳa ci zerces daŋ kazuggi zercesla ka salla dzadte in. ⁵⁰ Khoŋŋi ke thamedpe mitshee naŋŋa Ɋhidda dzadcespo ɳe shessad. Tennaboephia ɳe yabbi ɳaa zercessi ka salkhanbo ɳe zerrad.

Yeshui lobtuggunni kañpa thua dzads.

13:1 ne 17

13 ¹ Pesaggi dontajni sañ sñunla, Yeshua i jigstenbo phañste khoñrañji yabbika skyodcessi dus lebste inkhanbo thuggyus yodpin. Khoñji i jigstenni nañja khoñrañji migunla camspa dzads, khongunla ta khoñji khoñrañji camspa tshad gañpo stanna dzads. ² Khongun phitoggi dontaj donin yodpin, shetanni Shimonni butsha Yuda karyodpe snyiñji nañja Yeshua ñolog cocugcessi samba skyecugs tsharte inpin.

³ Yeshui yabbi citshajma khoñji chagga stadda dzadkhan dañ khoñ Konchoggi chogsne skyodkhan yañ Konchoggi skundunla logste skyodcespo khyenna dzaddadpin. ⁴ Tene khoñ cogtse dunla ȝañs yañ rañji khathoggi namzaa phudda dzadste lagphis chenmozig khoñrañji skyedpa sillla dzads. ⁵ Te stijne khoñji cilimcii nañja chu lugste khoñrañji lobtuggunni kañpa thuces gozug dzadte skyedpa sillla dzadkhanni lagphis chenmo nyampo phia dzads.

⁶ Khoñ Shimon Pitarri dunla lebbacig, Pitarri zers, "Tsoo nyerañji ñe kañpa thua dzaddadda?"

⁷ Yeshui khoa lansals, "De cokhanbo dagsa khyoranja hamigo, innañ stijne hagoin."

⁸ Pitarri zers, "Man, nyerañji ñe kañpa mane thu madzad."

Yeshui khoa, "Galtes ñe khyoranja kañpa mathuna tene ñe norskalli nañja khyoranja khag med" mols.

⁹ Shimon Pitarri zers, "Tezug inna, tene Tsoo ñe kañpa matshad, lag dan goañ thuadzad."

¹⁰ Yeshui khoa lansals, "Chua ȝugskhanni miboe kañpatsa mane thugos medte innog, khoe zugspo gañpo lagmo yodte in. Cigcig mastogs khyozaa tshajma stsañma in." ¹¹ Yeshua ñolog cocescanni mibo thuggyus yod pasañ, 'Cigcig mastogs khyozaa tshajma stsañma in' mols.

¹² Yeshui lobtuggunni kañpa thu tsharracig namzaa namste khoñrañji nasseka ȝugs, yañ khoñji lobtuggunla ði dzads, "De coskhanni tonbo khyozaa hagoa?

¹³ Khyoze ña lobpon dañ Tsoo zerranog, tezug zercespo ðañpo innog, ciazerna ña tebo innañ in. ¹⁴ Ta ña khyozagunni lobpon dañ Tsoo ininȝig khyoze kañpa thuadna, khyozagunnañ cig dañ ciggi kañpa thugos. ¹⁵ De coskhangun khyozean cocessi phia khyozagunla ñe speȝig stante in. ¹⁶ De khyozaa denba denba zerrad,

yogpo khoraŋŋi sponboe saŋ jigsbo manog, yaŋ lon khyoŋkhanbo lon kalkhanboe saŋ jigsbo manog.¹⁷ Ta khyožagunla igun hagote innog. Igunnika laglen cona cinlabs thobin."

Yeshua ɳolog cocespo khoŋŋi luŋstan sals.

13:18 ne 30

¹⁸ Yeshui mols, "De khyozaa tshajme skorla zerramed, ḡe ldamskhangun ḡa gyusyod. Innaj dampe suŋrabssi naŋŋa, 'Da nyampo zakhanboe ḡaa ɳolog coin' Griiskhanbo ḡanda ṭubgos. ¹⁹ Igun cuŋ zane khyožagunni ḡa ldamma dzadkhanni Mashika inkhanbo dadpa cocessi phia ḡe ibo cuŋŋi saŋ sjunla dagsa khyožagunla zerrad. ²⁰ De khyozaa denba denba zerrad, ḡe kalkhangunla gasus ʐukhangunni ḡaa gasus ʐute in, yaŋ ḡa gasus ʐukhangunni ḡa kalla dzadkhanboa gasus ʐute innog."

²¹ Tebo molte stiŋne Yeshui semsla mašanṭe nags thon, yaŋ spoŋpo salte mols, "De khyozaa denba denba zerrad, khyože ṭone cigciggi ḡaa ɳolog coin."

²² Tene lobṭuggunni cig daŋ cigga stas, ciazerna khoŋŋi sui skorla molte in suaj gyus medpin. ²³ Yeshui cespa dzadkhanni lobṭugpo khoŋŋi ldoeka dugste yodpin.

²⁴ Shimon Pitari go skulin te lobṭugpoa zers, "Yeshua sui skorla molte in zerte Griissan?"

²⁵ Kho Yeshui chogsla nyeste khoŋŋa Griis, "Tsoo kho su innog?"

²⁶ Yeshui lansals, "De tagi dabenni naŋŋa spagste taŋcescanbo in." Tene Yeshui Shimon karyodpe butsha Yuda tagi spagskhanbo sals. ²⁷ Tagi khambubo zacig shetan khoe naŋŋa ʐugs. Yeshui khoa, "Khyorajŋi cocescanbo gyogspa cos" mols.

²⁸ Innaj kharji zen yodkhan ʐantshajmaa Yeshui khoa te zug cia molte in caŋ hamago. ²⁹ Yuda pene khagkhurpa inpa, khaciggi Yeshui khoa duschenni phia gossdomgun nyoces ya nyalbacan ghunla pene taŋcessi phia molte inđo sam.

³⁰ Yude tagi khambubo zoste kho philogga biŋte soŋ, te zane tshan soŋte yodpin.

Yeshui Pitari khoŋŋ misheszun taŋces luŋstan dzads.

13:31 ne 38

³¹ Yuda soŋ tsharracig Yeshui mols, "Ta mirigssibua spal thobkiyod, yaŋ khoe ʐaste Konchogga spal thobin. ³² Galtes khoe ʐaste Konchogga spal thobbadna, Konchoggi khoŋraŋŋi naŋŋa ʂaslaj spal gyogspa sala dzadin. ³³ De ṭugugun, khyožagun nyampo ḡa taruŋ dus nyuŋunz̥ig lusin. Khyože ḡa tsalin, kazug ḡa Yahudape uskyoŋŋunla zerpin dagsa khyožagunlaŋ zerrad, karu ḡa chad

khyożagun teru yoŋ minyan.³⁴ ॥e khyożagunla kagya somażig taŋŋad, cig daŋ cigga camspa cos. ॥e khyożaa camspa coa tsogsla, khyożagunniaŋ cig daŋ cigga camspa cigos. ³⁵ Teboe mitshaŋmala khyożagun ŋe lobtug inkhanbo shesin, galtes khyoże cig daŋ cigga camspa cona."

³⁶ Shimon Pitarri Yeshua zers, "Tsoo nyeraŋ karu skyodces in?"

Yeshui lansals, "॥a chasaa dagsa khyoraj yoŋ minyan, innaj stijne khyoraj ŋaa daŋste yoŋin."

³⁷ Pitarri Griis, "Kye Tsoo ŋa nyeraŋ nyampo dagsa cia yoŋ minyan. Nyeraŋji phia ŋe şog taŋin."

³⁸ Yeshui lansals, "Khyorajni ŋe tonla raŋni şogpo taŋinna? ॥e khyorajna denba denba zerrad, diriŋ capoe skad taŋni saŋ sŋunla khyorajni ŋa lan sum ŋo misheszun taŋin" mols.

Yeshui khoŋraŋji lobtuggunla semssō sals.

14:1 ne 4

14 ¹ Tsoo Yeshui khoŋraŋji lobtuggunla mols, "Khyożagunni semsla nags mastanshig. Konchoggika idshes coshig yaŋ ŋekaŋ idshes coshig. ² ॥e yabby khaŋpe naŋja nassa maŋpo yod. Galtes medpinna ŋe cia zerin ŋa khyożagunni phia teru nassa ɬaldig coa chad. ³ Galtes ŋa soŋte nassa ɬaldig cona, ŋa logste yoŋste khyożagun ŋaraŋ nyampo thidte khyerin, tene ŋa yodsa khyożagunnaŋ dugin. ⁴ Khyożagunla ŋa chacessi nasse lambo gyusyod."

Yabbika chacessi lambo Yeshu in.

14:5 ne 14

⁵ Thomassi Yeshua zers, "Kye Tsoo, ŋažaa nyeraŋ karu skyodda dzadcespo gyusmed, tene ŋažaa kazuggi te lambo shesin."

⁶ Yeshui mols, "॥a ni lambo, denbabu daŋ şogpo in, ŋa cigpo gyudte mane suziggan yabby skundunla mileb. ⁷ Galtes khyożagunni ŋa su inkhanbo tantan sheste inpinna, khyożagunni ŋe yabbaŋ sheste yoddø. Tanepharla khyoże khoŋ shesin yaŋ khyożagunni khoŋ jalte in."

⁸ Philibbi zers, "Tsoo ŋažaa yab Konchog jalcugga dzaddaŋ, yaŋ tebo ŋaze phia tsham thadthad in."

⁹ Yeshui Philibba mols, "॥a khyożaa nyampo izam dus maŋpo dugsteaŋ khyorajna taruŋŋaŋ ŋa mashessa? ॥a thoŋkhangunni yabbaŋ jalte in. Tene

khyorajni kazugga zerrad 'Daazaa yab jalcug' zerte? ¹⁰ Khyorajna ɳa yabbi nañja yaŋ yab ɳe nañja yodkhanbo denshessa meragga? De ci sperazig khyozagunla zerrad tegun ɳe chogsne manpa ɳe yabbi chogsne in, khoŋ ɳe nañja ɻugste khonrajji chaglas dzaddad. ¹¹ De ɳa yabbi nañja yaŋ yab ɳe nañja in zerkhanboa denshesshig. Iboa den mashesnaŋ ɳe skorla spaŋpo taŋkhanni dzadpagun thoŋte denshesshig. ¹² De khyozaa denba denba zerrad, ɳeka dadpa cokhangunni ɳe cokhanni lasgun tsogs coin, matshad tesaj tagga lasgun coin, ciazerna ɳa ni yabbika chad. ¹³ Šassi yabba spal khyoŋcessi phia khyozagunni cizig ɳe miŋji nañja ɻuwa phulnaŋ ɳe khyozaa taŋin. ¹⁴ Khyoze ciziggi phia ɳe miŋji nañja ɳaa ɻuwa phulnaŋ, ɳe tebo coin."

Yeshui dampe thugnyid salcessi Ɂalchad.

14:15 ne 31

¹⁵ Yeshui mols, "Galtes khyoze ɳa camspa coadna khyoze ɳe ka taŋkhangun ſuŋjin, ¹⁶ ɳe yabba ɻuwa phulin yaŋ khonjji khyozagunla ɻan rogs dzadkhanzig salla dzadin, khoŋ dusgyun khyozaa nyampo ɻugsin. ¹⁷ Khoŋ ni migun ɻaŋpoe chogsla thidkhan dampe thugnyidbo in. Jigstenpagunni khonjji nañja dadpa mico ciazerna khongunni khoŋ thoŋja manog yaŋ shessaŋ manog. Innaŋ khyoze khoŋ shessianog ciazerna khoŋ khyoze nañja neste khyozaa nyampo ɻugsanog. ¹⁸ De khyozaa, totse tsogsla miphaŋ, ɳa khyozagun yodsa yoŋin. ¹⁹ Tsapig shigne jigstenpagunni ɳa mithoŋ, innaŋ khyoze ɳa thoŋin. Da sontea incespoe khyozagunnaŋ sontea lusin. ²⁰ Da sontea laŋji ɻagga, ɳa yabbi nañja yaŋ khyozagun ɳe nañja yaŋ ɳa khyoze nañja inkhanbo khyozaa hagoin. ²¹ De kagun nyante ſuŋkhangun ni ɳaa camspa cokhangun in. Daas cespa cokhangunla ɳe yabbiaŋ cespa coa dzadin, yaŋ ɳeaŋ khongunla camspa coste, ɳaraŋ khongunla ſjoncugin."

²² Tene yude (Karyodpa mankhanboe) zers, "Kye Tsoo, nyeraŋ ɳazagunla ſjoncuges yaŋ jigstenpagunla ſjon micugcespo ciphia in?"

²³ Yeshui lansals, "Da camspa cokhangunni khoe ɳe labcagunni ka laglen coin. De yabbi khongunla camspa dzadin yaŋ ɳazaa nyisko khongunni ka yoŋste khongun nyampo dugin. ²⁴ Da camspa macokhangunni ɳe labcagun ſuŋja manog. Khyoze tshorkhanni i lonbo ɳaraŋji manpa, ɳa kalla dzadkhanji ɳe yabbi chogsne in. ²⁵ Da khyozagun nyampo yod zane ɳe i tshaŋma zerte in. ²⁶ Innaŋ yabbi ɳe tshabsla rogs dzadkhan, dampe thugnyid khyozaa kalla dzadin. Khonjji khyozagunla citshaŋma labba dzadte ɳe shadkhan tshaŋma khyozagunla idtu skulin. ²⁷ Ɂide, ɳe khyozaa

nyampo borrad, ḡe zidebo khyozaa taŋŋad, ḡe zidebo jigstenpe zide tsogs man. Khyozagunni semsla nags mastan yaŋ jigs majigs.²⁸ Ḳe ḡa chad, yaŋ khyozeka logste yoŋin zerkhanbo khyoze tshorte innog. Galtes khyoze ḡa camspa coadna ḡa yabbika chacesla khyozaa thadpo yoddø, ciazerna yab ḡe saŋ tagga in.²⁹ Tegun cuŋŋacig khyoze ḡeka dadpa khyoŋcessi phia i tshaŋma cuŋŋi saŋ sŋunla ḡe khyozagunla shadte in.³⁰ Iaa khyozagunla spera taŋcessi dus manpozig med, ciazerna i jigstenni waŋſulpapo yoŋdug, khoa ḡeka caŋ waŋ med.³¹ Innaj ḡe yabba camspa daŋ khonŋji ḡa ka salla dzadkhangun ḳanda cocespo jigstenpagunla gyus yoŋgos. Ta loŋshig ḡadaŋgun ikane chen."

Rgunni lcaŋma daŋ yalga.

15:1 ne 17

15¹ Yeshui mols, "Ia ni denbe rgunni lcaŋma daŋ ḡe yab tshaskhanbo in.² Dasbu machagskhanni yalbagun ḡe kane cadte phaŋŋa dzaddug, yaŋ dasbu chagskhanni yalbagunla maŋŋa chagsshessi phia gorra dzaddug.³ Ḳe khyozaa shadkhanni labcagunni khyozagun stsaŋma co tsharte in.⁴ Ḳe naŋŋa dugshig yaŋ ḡa khyoze naŋŋa dugin. Yalga cigpoa dasbu chags nyanna manog, tebo rgunni lcaŋma naŋŋa naste lusgos. Tenna tsogsla galtes khyozaa ḡe naŋŋa madugna khyozagunnaŋ dasbu michags.

⁵ Ia ni rgunni lcaŋma yaŋ khyozaa ḡe yalgagun in. Ḳe naŋŋa naskhan yaŋ ḡa khonŋunni naŋŋa naskhangunla dasbu maŋpo chagsin, ḡane bete khyozagunla caŋ co minyan.⁶ Ḳe naŋŋa madugkhangun, skamskhanni yalga thagriŋŋa phaŋskhan tsogs in, tegun lduste me naŋŋa phanste šagin.⁷ Galtes khyozaa ḡe naŋŋa naste ḡe labcagun khyoze semssi naŋŋa lusna, khyoze dodpa coste cizig toŋ zernaj khyozaa salin.⁸ Khyozaa dasbu maŋpo chagste ḡe denbe lobtug inkhanbo stan zane ḡe yabba spal thobin.

⁹ Yabbi ḡa camspa dzadda tsogsla ḡe khyozaa camspa coad. Ḳe camspe naŋŋa naste dugshig.¹⁰ Galtes khyoze ḡe kagunla khanyanna khyozagun ḡe camspe naŋŋa lusin kazug ḡe ḡaraŋŋi yabbi kagunla khanyante khoŋŋi camspe naŋŋa luste in.¹¹ Ḳe thadpo khyoze naŋŋa lusshes yaŋ khyozagunla thadpo gaŋpo thobcessi phia ḡe i speragun khyozaa zerte in.¹² Ḳe ka ni ibo in, ḡe khyozagunla camspa cokhan tsogs khyoze cig daŋ cigga camspa coshig.¹³ Dzaogunni phia khoraŋŋi şogpo taŋcessi saŋ chea yashashig med.¹⁴ Ḳe ka taŋkhangun cona khyozaa ḡe dzao in.¹⁵ Tanepharla ḡe khyozaa yogpo mizer ciazerna yogpoa sponboe lassi skorla

gyus yonja manog. Innañ khyožagunla ñe dzao zerrad ciazerna yabne tshorkhan tshañma ñe khyozaa shadte in.¹⁶ Khyože ña ldamste man, ñe khyožagun ldamste in. Ñe khyožagun sonje dusgyun lusshessi dasbu smincugcesla skoste in. Tene ñe miñji nañja khyože ñe yabba cizig zunañ salla dzadin.¹⁷ Ñe khyozaa i kabo tañjad, cig dañ cigga camspa cos."

Jigstenpagunni Yeshui lobtuggunla naphrad cos.

15:18 ne 16:4

¹⁸ Yeshui mols, "Galtes jigstenpagunni khyožaa naphrad cona, khoñgunni naphrad cokhan dañpo ña inkhanbo idtu coshig. ¹⁹ Galtes khyožaa jigstenpe inpinna, khoñji khyožaa khoranġunni ṭugu tsogsla cespa coste yodđo. Innañ ta khyožaa jigstenpe khagshig manog. Ñe jigstenpe ṭone khyožagun ldams pasañ, khoñgunni khyožaa naphrad coanog. ²⁰ Ñe khyožagunla i spera zerkhanbo idtua borshig, 'Yogpozīg rañji sponboe sañ chea manog' galtes khoñgunni ña nagsbardo stante inna tene khoñgunni khyožaj nagsbardo stanin. Galtes khoñgunni ñe labcagunnika laglen cospinna tene khyože labcagunnikañ laglen coin. ²¹ Khyožaa ñe incespoe khoñgunni khyožaa tezug coin, ciazerna khoñgunni ña kalla dzadkhanbo shessa manog. ²² Galtes ña yoñste khoñgunla ñe yabbi lonbo mashadpinna khoñgun khoñrañgunni sdigpe phia noñscan mando. Innañ ta khoñgunni khoranġi sdigpe phia cañ skyon co minyan. ²³ Ñaa naphrad cokhangunni ñe yabbaj naphrad coanog. ²⁴ Galtes ñe khoñgunni ṭoa ɜan suiñ macoskhanni te halasshessi stasgun macospinna, khoñgun khoñrañgunni sdigpe phia noñscan mando. Innañ khoñgunni tegun thonjeañ ña dañ ñe yab nyiskoa naphrad cos. ²⁵ Khoñgunni kathimssi nañja, 'Khoñgunni ñaa tontag medpa naphrad cos' Griiste yodkhanbo ðanđa ṭubdug.

²⁶ Innañ ñe rogs dzadkhanbo khyožagunla kalin. Khoñ ni migun ðañpoe chogska thidkhan dampe thugnyid in. Khoñ yab Konchoggi chogsne skyodte ñe skorla spañpo salin. ²⁷ Khyožagunniañ ñe skorla spañpo tañgos, ciazerna khyožagun gomane pharla ña nyampo yodte innog.

16 ¹ Yeshui mols, "Khyožagunni ñeka dadpa yodkhanbo phañ miphajcesla ñe i spera tshañma khyožagunla shadte in. ² Khoñgunni khyožaa dukhañji chostshogssi ṭone phijs tañin. Tezug dussañ lebin, khyožaa sadkhangunni samin khoñgunni Konchogga Ɂabstog zuste in. ³ Khoñgunni tetsogssi lasgun coin ciazerna khoñgunni yab mashes ya ñaj. ⁴ Teduspo lebbacig, ñe sjuñla

spaŋpudkhanbo khyozagunni idtu yoŋcessi phia ŋe igun khyozaa shadte in. Sjunla ŋe khyozagunla mazerpin ciazerna ŋa khyozagun nyampo yodpin."

Dampe thugnyiddi chaglas.

16:5 ne 15

⁵ Yeshui taruŋŋaj mols, "Ta ŋa, ŋaa kalla dzadkhanni yabby skundunla logste chad, innaŋ khyože tone suziggiaŋ ŋa 'Karu chad' zerte dia midug, ⁶ ciazerna ŋe i tshaŋma shadpa khyozaa tsherkhe gaŋste yodte innog. ⁷ Innaŋ ŋe khyozaa denba denba zerrad, ŋa ikane chacespo khyože phia phanthogscan in, ciazerna namtshogpa ŋa michaa te rogs dzadkhanbo khyozeka miskyod, innaŋ galtes ŋa chana ŋe khoŋ khyozeka kalin. ⁸ Khoŋ skyoddacig, khoŋŋi jigstenpagunni sdigpa, ɖaŋpo daŋ Konchoggi thimscad ghunni skorla samtshulbo norte inkhan stanna dzadin. ⁹ Sdigpa ni khoŋgunni ŋeka dadpa miŋnaŋ micocespo in. ¹⁰ Daŋpo ni ŋa in ciazerna ŋa ŋaraŋŋi yabbika logste chad yaŋ khyozagunni ŋa mithoŋ. ¹¹ Konchoggi thimscadbo ni yoŋin ciazerna Konchoggi jigstenpagunniwa waŋsulkhan shetanla thimscadda dzad tsharte in."

¹² "Taruŋ ŋa shadgyu ma maŋpo yod, innaŋ khyozagunla dagsa lcidpo khur thubces midug. ¹³ Migun ɖaŋpoe chogsla thidkhan dampe thugnyid skyoddacig, khyozagunla Konchoggi denbe lam stanna dzaddanog. Khoŋŋi khoŋraŋŋi chogsne mamolla yabne tshorkhan cigpo mullanog, yaŋ khyozagunla yoŋcescanni dussi skorla shadda dzadin. ¹⁴ Khoŋŋi ŋaa spal khyoŋin ciazerna khoŋŋi ŋe zerkhangun khyerte khyozagunla shadda dzadin. ¹⁵ Yabby inkhan tshaŋma ŋe in. Tennaboephia ŋe zerrad dampe thugnyiddi ŋe khane tshorkhan tshaŋma khyozagunla shadda dzaddanog.

Lobṭuggunni tsherkha thadpoa gyur.

16:16 ne 33

¹⁶ Yeshui mols, "Tsapigshiggi stiŋne khyože ŋa mithoŋ yaŋ tsapigshig stiŋne khyože ŋa yaŋskyar thoŋin."

¹⁷ Khoŋŋi lobṭug khaciggi khoŋraŋ cig daŋ cigga zers, "Khoŋŋi 'Tsapigshiggi stiŋne khyože ŋa mithoŋ yaŋ tsapigshig stiŋne khyože ŋa yaŋskyar thoŋin' yaŋ 'Ciazerna ŋa yabbika chad' molkhangunni tonbo ci innog?'" ¹⁸ Khoŋgunni ɖiin dugs, "'Tsapigshiggi' tontagpo ci innog? Khoŋŋi molkhanbo ŋadaŋgunni hagoa merag."

¹⁹ Yeshui khojgunni teboe skorla khojja ḋinyin yodkhanbo khyenpa, khojji lobtuggunla mols, "Khyozagunni ḥa, 'Tsapigshiggi stiñne khyože ḥa mithoñ yañ tsapigshig stiñne khyože ḥa yañskyar thoñin' zerkhanni tonbo cig dañ cigga ḋiada?

²⁰ Ḫe khyozaa denba denba zerrad, jigstenpagunni gamo co zane khyozaa ḥuin, sdugpo coin. Khyozagunni sdugpo coin innaj khyože sdugpo thadpoe nañja gyurin. ²¹ Bumozigga ṭugu jor zane zumo ṣante yoñjanog ciazerna khoe duspo lebte innog, innaj ṭugu jor tsharracig, khoa zumobo rjedin ciazerna jigstenni nañja ṭugu skyeskhanboeka kho thadpo chanog. ²² Tenna tsogsla, dagsa khyože sdugpo coin, innaj ḥa khyozaa yañskyar thugs pasañ khyozagunla thadpo yoñin. Khyože kane te gamobo suiñ kogste khyer minyan. ²³ Tedusla khyože, ḥa cañ ጀicessi gossdom miyoñ. Ḫe khyozaa denba denba zerrad, galtes khyozagunni ḥe miñji nañja ḥe yabba citoñ zernaj khyozagunla salin. ²⁴ Khyože dagsa tshagpa ḥe miñji nañja ḥe yabba cižiggi phiañ mažus. Žuna khyozagunla thobin yañ thadpo gañpo thobin."

²⁵ "Dagsa ḥe igun spe gyudte shadte in, duspo lebin, nam ḥe ḫarajji yabbi skorla khyozagunla spe manpa salpo spera gyudte shadin. ²⁶ Te ȝagga khyože ḥe miñji nañja zuwa phulin. Ḫe khyozagunni tshabsla yabba zuwa phulin zerte man, ²⁷ ciazerna khyozagunni ḥaa camspa coces yañ ḥa yabbi chogsne yoñkhanboa dadpa yodcespoe yab khojrañji khyozagunla camspa dzaddug. ²⁸ Ḫa yabbi chogsne jigstenni nañja yoñste in, ta ḥa jigsten borte yabbi skundunla logste chad."

²⁹ Tene Yeshui lobtuggunni zers, "Ta nyerañji ḫazagunla spe gyudte mamolla, ȝalta salpo salpo molla dzaddug. ³⁰ Ta ḫazagunla hago, nyerañji citshajma khyennanog, nyerañja suziggian ḋiwa cocessi gossdom midug, ciazerna ḫaze ḋiin samkhangun nyerañji s̄junla khyenna dzaddug. Teboe ȝaste nyerañ Konchoggi chogsne skyodte inkhanboa ḫaze dadpa coad."

³¹ Yeshui khojgunla mols, "Khyozagunni denba idshes coadda? ³² Innaj duspo lebin yañ leb tsharte in nam khyozaa yante ḥa cigpo phañste ranrañji khanpaa shorin. Teneaj ḥa cigpo man ciazerna ḥe yab ḥa nyampo ȝugste yod.

³³ Ḫaa nyampo ḫel yodcespoe, khyozagunla ȝide thobcesla ḥe i speragun zerte in. I jigstenni nañja khyozagunla sdugsjal thoñin, innaj spospa borshig, jigstenni wañşulpagunnika ḥaa gyal thobte in."

Tsoo Yeshui khoŋraŋji phia moslam zus.**17:1 ne 5**

17 ¹ Tegun mol tsharracig, Yeshui namkhaa zigste moslam zus, "Kye yable, ta dus lebtshar, nyeraŋji şassi nyeraŋja spal taŋcessi phia nyeraŋji şasla spal salla dzad. ² Iaa salla dzadkhan tshaŋmaa thamedpe mitshe taŋcesla nyeraŋji ɳaa mitshaŋmeka waŋcha salte in. ³ Thamedpe mitshe ni, nyeraŋ denbe Konchog cigpo daŋ nyeraŋji kalla dzadkhanni Yesu Mashikaa sheshespo innog. ⁴ Nyeraŋji ɳaa stadda dzadkhanni lasgun ȳubcugste, jigstennika ɳe nyeraŋja spal khyoŋste in. ⁵ Ta kye yable, ɳa nyeraŋji skundunla spal salla dzad, kaspalbo ɳaa jigsten chagssi saŋ sŋunla nyeraŋ nyampo yodpin."

Tsoo Yeshui khoŋraŋji lobtuggunni phia moslam zus.**17:6 ne 19**

⁶ Yeshui taruŋjaŋ moslam ɣuin, "Jigstenpagunni ȳone nyeraŋji ldamma dzadte ɳa salkhangunla ɳe nyeraŋ sŋoncugspin. Khoŋgun nyeeraŋji inpin; nyeraŋji khoŋgun ɳa salte in, yaŋ khoŋgunni nyeeraŋji ka khanyante innog. ⁷ Ta nyeraŋji ɳaa salkhan tshaŋma nyeraŋji chogsne inkhanbo khoŋgunla hagote innog.

⁸ Ciazerna nyeraŋji ɳa salkhanni kagun ɳe khoŋgunla taŋspin. Khoŋgunni thadpo nyampo lente ɳa nyeeraŋji chogsne yoŋste inkhanbo khoŋgunla tantan hago, yaŋ khoŋgunni ɳa nyeraŋji kalla dzadkhanboa idshes."

⁹ "De khoŋgunni phia moslam ɣuad, ɳe jigstenpagun manpa nyeraŋji ɳa salla dzadkhangunni phia moslam ɣuad, ciazerna khoŋgun nyeraŋji innog. ¹⁰ De inkhan tshaŋma nyeraŋji in yaŋ nyeraŋji inkhangun ɳe in. Iaa khoŋgun gyudte spal thobste in. ¹¹ Da i jigstenni naŋja maŋpozig milus, khoŋgun taruŋ jigstenni naŋja lusin, ɳa nyeraŋjika yoŋjad. Kye yab dampale, kazug ɳadaŋ nyisko cig in tenna tsogsla khoŋgunnaŋ cigdil lusshessi phia nyeraŋji ɳaa salla dzadkhanni waŋchaboe naŋja khoŋgun skyobste borra dzad. ¹² Da khoŋgun nyampo yod zane, ɳe khoŋgun nyeraŋji salla dzadkhanni waŋcha gyudte skyobste borpin. Dampe suŋrabssi naŋja dia dzadkhanbo ȳubcesla, khoŋgunni ȳone nyalwe naŋja lebces skalte yodkhan cigcig mastogs, suziggaj mastor."

¹³ "Da nyeraŋjika yoŋjad, innaŋ ɳa i jigstenni naŋja yod zane khoŋgunla ɳe thadpo gaŋpo thobcessi phia, ɳe igun zerpin. ¹⁴ De khoŋgunla nyeraŋji ka taŋspin, yaŋ jigstenpagunni khoŋgunla naphrad cos, ciazerna ɳa jigstenne mankhan tsogsla

ŋe lobtuggunnaŋ jigstenne man. ¹⁵ ॥e moslam ŷucespo ni, nyeraŋja khoŋgun i jigstenne khyercessi phia manpa, khoŋgun shetanne skyobste borra dzadcessi phia in. ¹⁶ ॥a jigstenne mankhan tsogsla ŋe lobtuggunnaŋ jigstenne man. ¹⁷ Nyeraŋji denba gyudte khoŋgunla staŋma coa dzads; nyeraŋji ka denba innog. ¹⁸ Nyeraŋji ŋa i jigstenni naŋja kalla dzadkhan tsogsla ŋeaŋ khoŋgun jigstenni naŋja kallad. ¹⁹ Nyeraŋji denba gyudte khongun dampa cocessi phia ŋe ŋaraŋ khoŋgunni donla dampa chodpe tshulla phullad."

Dadpe naŋja yoŋcescangunni phia Yeshui moslam ŷus.

17:20 ne 26

²⁰ "॥e moslam khoŋgun cigpo manpa, khoŋgunni lon gyudte ŋeka dadpa khyoŋcescangunni phiaŋ in. ²¹ ॥e khoŋtshaŋma cig gyurcessi phia moslam phullad. Kye yab, kazug ŋa nyeraŋji naŋja yaŋ nyeraŋ ŋe naŋja ʐugste in, nyeraŋji ŋa kalla dzadkhanboeka jigstenpagunni dadpa khyoŋcessi phia, khoŋgunnaŋ ŋadaŋ nyiskoe naŋja dug cugga dzad."

²² "॥adaŋ nyisko cig inna tsogsla khoŋgun cig gyurcessi phia ŋe nyeraŋji ŋaa salkhanni spalbo khoŋgunla taŋspin. ²³ ॥a khoŋgunni naŋja yaŋ nyeraŋ ŋe naŋja yod. Nyeraŋji ŋa kalla dzadkhan daŋ nyeraŋji ŋaa camspa dzadkhan tsogs dadpacangunlaŋ camspa dzadces, jigstenpagunla hagocessi phia khoŋgun cisathogne cigidil gyur cugga dzad. ²⁴ Kye yable, nyeraŋji ŋa salkhangun ŋa chase nassa ŋaa nyampo yoŋ cugga dzadcesla ŋe dodpa coad. Tene khoŋgunni nyeraŋji ŋa salla dzadkhanni spalbo thoŋ thubin, ciazunga nyeraŋji jigsten chagssi saŋ sŋunla ŋa camspa dzaddadpin.

²⁵ ॥aŋpo yable, jigstenpagunni nyeraŋ mashesnaŋ, ŋe nyeraŋ shessad, yaŋ ŋe lobtuggunni nyeraŋji ŋa kalla dzadkhanbo shessianog. ²⁶ ॥e khoŋgunla nyeraŋ sŋoncugspin, taruŋŋaj sŋoncugin. Tene nyeraŋji ŋe phia camspa yodkhanbo khoŋgunni naŋja yaŋ ŋaŋ khoŋgunni naŋja lusin."

Tsoo Yeshu zums.

18:1 ne 11

18 ¹ Moslam ŷu tsharracig, Tsoo Yeshu, khoŋraŋji lobtuggun nyampo te nassane biŋte Kidronni luŋpe aŋo chogsla yodkhanni oliwwi tshassi naŋja skyods. ² Khoŋŋa ŋolog cokhanni Yuda te nassabo gyusyodpin, ciazerna Yeshu lan manpo khoŋraŋji lobtuggun nyampo teru skyodda dzaddadpin. ³ Tene

Yuda pharushipagun daļ lama uskyoŋgunni kalkhanni Rompe magmi sdezig daļ chodkhaļ ſuŋkhan ghun thidte tshassi naŋja leb. Khoŋgunni meto, lalten daļ tshoncha khurte yodpin. ⁴ Yeshua khoŋnika cuŋces tshaŋma gyalla coste khyennadpin, tennaboephia khoŋ philogga skyodte khongunla dia dzads, "Khyože su tsallad?"

⁵ Khoŋgunni lantaŋs, "Natsaredpa Yeshu."

Yeshui khoŋgunla, "Da in" mols.

(Khoŋja ḥolog cokhanni Yudaļ khoŋgun nyampo yodpin) ⁶ Yeshui, "Da in" mollacig, khoŋgun gyablogga soŋ yaŋ seka gyel. ⁷ Yeshui yaŋ ldabste mols, "Khyože su tsallad?"

Khoŋgunni zers, "Natsaredpa Yeshu."

⁸ Yeshui mols, "De khyozaa zerpin 'Kho ḥa in', galtes khyože ḥa tsalladna ḥe lobtuggun chacug." ⁹ Tebo ni khoŋji "Nyeraŋji ḥa salkhanni ṭone ciggaļ mastor" molkhanbo ḥanda ūbcespo inpin.

¹⁰ Shimon Pitarri khoe lagga yodkhanni rai phiňste lama chenmoe yogpoziggī namchog yaspabo cadtaŋs (Te yogpoe miļbo Malkhus inpin). ¹¹ Yeshui Pitarla ka salte, "Raibo shubssi naŋja gyoŋ. Ci yabbi ḥaa salkhanni sdugsŋalli donskyogpo ḥe mithuŋja?"

Tsoo Yeshu lama chenmoeka khyers.

18:12 ne 14

¹² Tene Rompe magmi, khoŋgunni magspon daļ chodkhaļ ſuŋkhanguŋnii Yeshu zumi yaŋ khoŋji chag ldamste ¹³ Annas yodsa khyers, kho Kayaphassi name aba inpin, yaŋ Kayaphas te loe lama chenmo inpin. ¹⁴ (Inna Kayaphassi Yahudape uskyoŋgunla khada taŋste mirigs gaŋpoe tonla mi cig shina gyal zerte inpin).

Pitarri Tsoo Yeshu misheszun taŋs.

18:15 ne 18

¹⁵ Shimon Pitar daļ ūan lobtug cig Yeshui gyabgyabne soŋ, ūan lobtugpo lama chenmoe ḥosheškhan inpa kho Yeshu nyampo lama chenmoe phođaŋji kyaŋri naŋja yoŋcugs. ¹⁶ Innaŋ Pitar gyasghoe philogga lus. Lama chenmoe ḥosheškhanni lobtugpo logste yoŋs yaŋ gho ſuŋmaboa spera taŋste Pitar naŋkugga thidte khyers. ¹⁷ Te gho ſuŋkhanni bumoboe Pitarla Griis, "Khyoranjaŋ khoŋji lobtug cig manna?"

Pitarri, "Da man" zers.

¹⁸ Dañmo yodcespoe, teru yodkhanni yogpogun dañ şuñkhangunni me tañste tshañma kyirkhorte mea şoadpin, khoñgunni toa Pitarriañ mea şoadpin.

Lama chenmoe Yeshua ɖiwa Griis.

18:19 ne 24

¹⁹ Te zane lama chenmoe^m, Yeshua khoñji lobtug dañ labca ghunni skorla Griis.

²⁰ Yeshui lansals, "De va mavaa mitshajme dunla shadpin, ñe Yahudapa tshañma dzomsse dukhañgun dañ chodkhañji nañja dusgyun labca tañjadpin. De sañwe nañja ciziggañ mazerpin. ²¹ Nyeranji ña cia ɖiad. De labca tshorkhangunla Griis, ñe zerkhangun khoñgunla tantan gyusinnog."

²² Yeshui tebo mollacig, chodkhañ şuñkhangunni ṭone Yeshui dunla dugste yodkhan ciggi khoñja ɬamlcags tañste, "Lama chenmoa itsogsla lantañjanogga?" Zers.

²³ Yeshui khoa mols, "Galtes ñe stsogpozig zerte yodna tebo stante toj. Innañ denba zerte inna tonmedla ña cia rduñjad." ²⁴ Tene Annassi chag cijs cijsspoeka Yeshu lama chenmo Kayaphassika kals.

Pitarri yañskyar Tsoo Yeshu ño misheszun tañs.

18:25 ne 27

²⁵ Shimon Pitar mea şoin yod zane cigciggi khoñja Griis, "Khyoranjan khoñji lobtuggunni ṭone cig manna?"

Pitarri zun tañste, "Da man" zers.

²⁶ Lama chenmoe yogpogunni ṭone cig Pitarri rai nyampo namchog cadkhanni miboe nyen inpin, khoe Pitarla zers, "De khyoran kho nyampo tshassi nañja thonje manpinna?" ²⁷ Pitarri yañ lancig ño misheszun tañs, tennamalla capoe caskad tañs.

Yeshua pilatui dunla thimscads.

18:28 ne 40

²⁸ Tene Yahudape uskyoñgunni ñamo zañziñne Yeshu Kayaphassi kane Rompe kalonni kharla khyers. Khongun tshitu soñte pesaggi dontaj zaminyan samte

^m**18:19** Kayaphas tenna loe lama chenmo inteañ Annasla taruñjan lama chenmoe miñbo thobbadpin. Yañ ika lama chenmo khoa zerte innog

jigspa kharri nañkugga masoñ. ²⁹ Teboephia pilatu khoñgunni dunla philogga biñste yoñs yañ zers, "I miboeka khyożagunni ci nyadkallad?"

³⁰ Khoñgunni zers, "Galtes kho thimscagkhanzig manpinna ɳaze kho nyerañji lagga stadte medđo."

³¹ Pilatui zers, "Khyoże khyerte khyożaranji kathims nañzinla khoeka shags cosshig."

Yahudape uskyoñgunni, "Dažaa sužiggañ sadcessi wañ med" zers. ³² (Yeshui khoñ kalugsla doñgosin molkhanbo ḋanda ṭubcesla tegun soñ).

³³ Tene pilatu kharri nañkugga soñ yañ Yeshu bodte khyoñcugste Griis, "Ci khyoraj Yahudape gyalpo inna?"

³⁴ Yeshui lansals, "I ḋiwabo nyerañji Griiste inna ya ɣanmagunni ñe skorla shaddarag?"

³⁵ Pilatui zers, "Ci ɳa Yahudape innogga? Khyoraj rañji migun dañ lama uskyoñgunni khyoraj ñe lagga stads. Khyorajni ci cospin?"

³⁶ Yeshui lansals, "De gyalśidpo ni, i jigstenni gyalśidzig man. Galtes inpinna tene ñe yogpogunni mag tañste ɳa Yahudapagunni lagga stadcugste medđo, innaj ñe gyalśidpo ni i jigstenne man" mols.

³⁷ Pilatui zers, "Tene khyoraj gyalpozīg inrag?"

Yeshui khoa mols, "Nyerajni zerkhanbo ḋanpo innog, ɳa gyalpo in. Denba, ɳa teboephia skyeste in yañ Konchoggi denbe lammi spañpo tañcessi phia i jigstenni nañja yoñste in. Denbaboa camspa cokhan tshañme ñe zerkhangun ḋanpo inkhanbo shessanog."

³⁸ Pilatui Griis, "Denbaboo ci innog." Tennabo zerte kho yañskyar philogga migun yodsa soñte zers, "Da i miboe gyabgalla cañ skyon thobba midug. ³⁹ Innaj khyoże lugšol nañzin, ñe pesaggi dusla khyożagunni phia tsonpažig phuddad. Yahudape gyalpobo phudtañna thadces ragga?" ⁴⁰ Khoñgunni kuco tañin, "Man kho maphud. Daže phia Barabas phuddoñ" zers (Barabas Rommi wañsulpa ɳolog cokhanzig inpin).

Yeshua şoggi chadpa tañs.

19:1 ne 16a

19 ¹ tene kalon pilatui Yeshua stallcag gyabcessi ka tañs. ² Magmigunni tsherme thorshog laste khoñji ua skons yañ gyalpoe namzaa marpo tsogs

khoṇja skons.³ Khoṇgun lan maṇpo khoṇji dunla yojin, "Yahudape gyalpoa stsiwa phul" zerin tsigpa ṣagste, khoṇja ḍamlcags taṇs.

⁴ Pilatui yaṇ lancig philogga yojste Yahudapagunla zers, "Stosshig ḥa khoe naṇja skyon kalcessi gyuntshanzig mathobkhanbo khyożagunla hagocugcessi phia ḥe kho philogga khyoże dunla khyoṇjad.⁵ Tene Yeshu tsherme thorshog daṇ namzaa marpo namste philogga skyoddacig, pilatui Yahudapagunla zers, "Stosshig ine te mibo."

⁶ Lama uskyoṇgun daṇ khoṇ ṣuṇkhangunni Yeshua thoṇjacig kuco taṇin, "Kho ḫkyanshiṇja ḫkyanste sod, ḫkyanshiṇja ḫkyanste sod" zers. Tebo tshorracig pilatui khoṇgunla, "Da kho ḫkyanshiṇja ḫkyancessi caṇ gyuntshanzig mathob khyożaranji khyerte kho ḫkyanshiṇja ḫkyoṇshig" zers.

⁷ Yahudapa uskyoṇgunni utshugs taṇin zers, "Dažaa kathimsshig yod, te naṇzinla kho shigos, ciazerna khoe khoraṇ Konchoggi ṣas in zerdeg."

⁸ Tebo tshorracig pilatu sṇunni saṇ maṇja jigs. ⁹ Logste kharri naṇja soṇ yaṇ khoe Yeshua zers, "Khyoraṇ kane in?" Innaṇ Yeshui khoa caṇ lan masals. ¹⁰ "Ci khyoranji ḥa lantaṇja medda? Da khyoraṇ phudtaṇces ya ḫkyanshiṇja ḫkyancessi waṇ yodkhanbo khyoranja gyusmedda?"

¹¹ Yeshui khoa lansals, "Konchoggi masalpinna khyoranja ḥeka i waṇbo mane medđo, innaṇ ḥa khyoranji lagga stadkhanboa khyoranji saṇ chea sdigpe skyon phogte innog."

¹² Te stiṇne pilatui Yeshu phudcessi stsondus cos, innaṇ Yahudapa uskyoṇgunni kuco taṇin zers, "Galtes nyeraṇji i mivo phudna, nyeraṇ Rommi gyalpoe dzao manog. Khoraj gyalpo in zerkhangun Rommi gyalpoe ḫao innog"

¹³ Tebo tshorracig pilatui magmigunla ka taṇste, Yeshu philogga khyoṇs yaṇ kalon khoraṇ thimsponni thissika dugs. Te nassaboa rdoelam zerradpin (Ibripe skaddi naṇja Gabatha zerranog). ¹⁴ Teduspo pesaggi ḫal cocessi ḫaggi nyiṇguṇ inpin, pilatui Yahudapagunla zers, "Stosshig, khyoże gyalpo."

¹⁵ Innaṇ khoṇgunni kuco taṇin zers, "Kho khyer, khyerte kho ḫkyanshiṇja ḫkyoṇ." Pilatui khoṇgunla zers, "Khyożaranji gyalpobo ḫkyanshiṇja ḫkyanja?"

Lama uskyoṇgunni zers, "Dažaa Rommi gyalpo manpa ḫan gyalpo suaṇ med."

¹⁶ Tene pilatui khoṇgunni dodpa naṇzin Yeshu ḫkyanshiṇja ḫkyancessi phia khoṇgunni lagga stads.

Tsoo Yeshu şkyanşhiñja şkyanş.

19:16b ne 27

Magmigunni khoj thidte şkyanşhiñja şkyanşesla khyers. ¹⁷ Yeshui khojrañji şkyanşhiñ namste Yerushalemne philogga thodpe rika skyods, kaboa ibripe skaddi nañja Golgotha zerranog. ¹⁸ Teru khojgunni Yeshu şkyanşhiñja şkyanş yañ khoj nyampo ñanmi nyissañ, khojgun Yeshui Idaldo nyiskoa yañ Yeshu khojñi zuñja bors. ¹⁹ Pilatui magmigunla "Yeshu Natsaredpa Yahudape gyalpo" Griiskhanni lagshinzig Yeshui stagga şkyanşhiñjika tagcesla ka tañs. ²⁰ Yeshu şkyanşhiñja şkyankhanni nassabo gyalsane nyemoa yodpa Yahudapa mañpoe te Griiskhanbo sils, tebo ibripa, Rompa dañ Griissi skad sumkoe nañja Griiste yodpin.

²¹ Tene Yahudape lama uskyoñgunni pilatui Griiskhanboa gyabgal coste, "Yahudape gyalpo mađia 'Khorajni ña Yahudape gyalpo in zerradpin' dia dzad" zerte zuwa phuls.

²² Pilatui lantañs, "De cižig Griiste yodnañ ɏitshar, gyurra med."

²³ Magmigunni Yeshu şkyanşhiñja şkyanş tsharracig, tshañmala thobcessi phia, khojñi namzaboa pozi phuds. Innañ khojñi nañkuggi namzaa tshempo mane medkhan gone jug tshagpa laste yod pasañ ²⁴ khojrañ cig dañ cigga zers "Iboa pomibud, gyan gyabste sua thobdug sten." Tebo dampe suñrabssi nañja moltchan nañzin ðanda ïubcessi phia soñ,

"Khongunni ñe Koslaggun goste

De gospoa gyan gyabs."

²⁵ Yeshui şkyanşhiñji dunla khojñi ama, ame nomo, Klophassi nama Miryam dañ Magdallenma Miryam ghun lañste yodpin. ²⁶ Yeshui khojñi ama dañ khojñi cespa coa dzadkhanni lobtugpo dunla lañste zigspa, khojñi amaa mols, "Cespe bumo, tanepharla kho khyorajni butsha in," ²⁷ Yañ lobtugpoe, "Tanepharla kho khyorajni ama in" mols. Tenna ñagene pharla lobtugpoe Yeshui ama khorajni khañpa khyers.

Tsoo Yeshu doñs.

19:28 ne 37

²⁸ Yeshui khojñi las coces tshañma ïubte inkhanbo khyente dampe suñrabssi nañja moltchanbo ïubcesla khojñi, "De skomsarag" mols. ²⁹ Teru nodziggigi nañja rgunchañ skyurmo yodpa, khojgunni rasbal tenañja cugste hisobbi yalgañziggigi goa

skonte Yeshui ʐallika phuls.³⁰ Yeshui tebo nyaj tsharracig, "Ta ɬub" mols yaŋ u ghua dzadte khoŋraŋji semsnyidpo Konchogga stadda dzads.

³¹ Te ʐagpo shabbaddi ʐaggi phia ɬaldig coces yaŋ thorezugpo shabbaddi ʐag migsalbo inpin. Yahudapa uskyoŋgunni shabbaddi ʐagga zugspo ʂkyanʃhiŋjika borcespo mathadpa, khoŋgun pilatuika soŋte gyogspa shicessi phia te migunni kaŋpa cagces daŋ zugspogun phabste khyercesla ka sal zerte zuwa phuls.

³² Tennaboephia magmigun yoŋste Yeshu nyampo ʂkyanʃhiŋja gyaŋste yodkhan nyiskoe kaŋpa cags.³³ Innaj Yeshui dunla lebbacig, khoŋ doŋs tsharte thoŋpa, khoŋji ʐabs macags.³⁴ Te magmi ɻone ciggi khoraŋji duŋbo Yeshui stsibme parla tsuggacig, ɭtag daŋ chu biŋ.³⁵ Migne ɳosma igun thoŋkhanni miboe spaŋpo taŋŋad yaŋ khoe spaŋpobo denba in. Khoe ɬaŋpo zerkhanbo khoe shessianog, yaŋ khyoŋzagunnaŋ dadpa cocessi phia khoe spaŋpo taŋin in.³⁶ Dampe suŋrabssi naŋja "Khoŋji ruspa ciggaj micag" Griiste yodkhan tshaŋma ɬanda ɬubcessi phia i tshaŋma cuŋte innog.³⁷ Dampe suŋrabssi yaŋ nassaziggi naŋja molte dug, "Khoŋgunni khoraŋji duŋ tsugskhanboa sten."

Yeshui spur zus.

19:38 ne 42

³⁸ Stiŋne arimathapa, Yoseb pilatuika soŋte Yeshui spur khyercesla goŋspa sal zers. Yahudapa uskyoŋgunla jigs pasaŋ, sŋonmacugga Yoseb Yeshui lobtug cig inpin. Khoe pilatui kane goŋspa lente Yeshui spurbo phabste khyers.³⁹ Sŋunma tshanžigga Yeshu jalla yoŋskhanni Nikodemasaŋ kho nyampo yoŋs. Khoe mir daŋ elwa ne cokhanni ɬizimcanni mar rincan halam kyilo 35 ɿig khyoŋs.⁴⁰ Yahudape spur subcessi lugšol naŋzin, khoŋ nyiskoe Yeshui spurbo khyerte, ɬizimgun skuste ras rincanžiggi naŋja ſils.⁴¹ Yeshu ʂkyanʃhiŋjika ʂkyanʃkhanni nasse dunla tshasshig yodpin, te tshaspoe naŋja sŋunla mane spur maborkhanni spurkhaŋ somazig yodpin.⁴² Spurkhaŋbo nyemoa yodces yaŋ te ʐagpo Yahudape migsal shabbaddi ɬaldiggi ʐag in pasaŋ, khoŋgunni Yeshui spur tenna spurkhaŋji naŋja bors.

Spurkhaŋ stoppa.

20:1 ne 10

20¹ Zanyime ʐagga ɳamo zaŋziŋne nam malaŋssa yod zane Miryam Magdallenma spurkhaŋja soŋ, yaŋ khoa spurkhaŋji khe kane pholoŋbo

thente thoj. ² Kho bañtajin Shimon Pitar dañ zan lobtug Yeshui cespa dzadkhanboeka yoñste zers, "Khoñgunni Tsoo spurkhañne phinste khyerte midug yan karu khyers ñazaa cañ gyusmed."

³ Tene Piñar dañ zan lobtugpo spurkhañja chaces gozug. ⁴ Khoñgun bañtajin chadpin, innaj zan lobtugpo Pitarri sañ gyagspa bañtañste sñunla spurkhañja leb. ⁵ Khoe ghuste nañkugga stas, spurla silkhanni rasgun teka borte thoj innaj nañkugga masoñ. ⁶ Tene Shimon Piñar khoe gyabne teka lebte khaðañja spurkhañji nañkugga zugste soñ. Khoaj teru spurla silkhanni rasgun borte thoj, ⁷ Yeshui ua skonte yodkhanni raspo ltabste zan silkhanni rassi sañ sosoa borte thoj. ⁸ Tene, sñunla spurkhañja lebkhanni zan lobtugpoñ nañkugga soñ, tegun thoñte khoe dadpa cos. ⁹ (Khoñgunla taruñjañ dampe suñrabssi nañja Yesu shikhangunni tone sontea żaj̄s goshes khagcan in Griiskhanbo hamagoa inpin) ¹⁰ Tene lobtuggun khoranġunni khanja logste soñ.

Miryam Magdallenma Tsoo Yesu jal.

20:11 ne 18

¹¹ Innaj Miryam spurkhañji philogga ñuin yodpin. Khoe ñuin ghuste spurkhañji nañkugga stas. ¹² Khoa teru namzaa karpo gonkhanni phonya nyis Yeshui spur borseka cigpo ui chogsla yan cigpo zabssi chogsla dugste thoj.

¹³ Phonyagunni Miryamma mols, "Bumo khyorañ cia ñuad?"

Miryammi lantañs, "Khoñgunni ñe Tsoo khyerte midug yan karu khyers ña cañ gyusmed."

¹⁴ Tebo zer tsharracig, kho gyurpa teru Yesu żanste jal, innaj khoa Yesu inkhanbo ño mashes. ¹⁵ Yeshui mols, "Bumo khyorañ cia ñuad? Khyorañji su tsallad?"

Miryammi khoj tshaskhan inđo samte khoñja zers, "Acole, galtes nyerañji khoñji spurbo khyerte inna ñaa shoddaj karu borte yod, ñe khoñji spurbo khyerin."

¹⁶ Yeshui khoa mols, "Miryam."

Tebo tshorracig, kho gyurte, Yeshui chogsla staste ibripe skaddi nañja zers, "Rabonni" (Yañna lobponle.)

¹⁷ Yeshui khoa mols, "Ða mathams ciazerna ña taruñ ñarañji yabbika logste machaa in. Tesaj sonje ñe spun dañ spunmo ghunla zer, 'Ða ni ñe yab dañ khyoze yab, ñe Konchog dañ khyoze Konchog yodsa logste chad'".

¹⁸ Miryam Magdallenma sojte lobtuggunla zers, "Da Tsoo jal" yaŋ khoe khoŋgunla Yeshui lon kalla dzadkhanbo shads.

Lobtuggunla Tsoo Yesu jal.

20:19 ne 23

¹⁹ Zanyime zaggi phitog, lobtuggun dzomste Yahudape uskyongunla jispa gho şanṭe cugste dugste yod zane, Yesu skyodte khoŋgunni ṭoa ʐaŋste mols, "Konchoggi ʐide khyozaa nyampo lusshig." ²⁰ Tebo molte khoŋji ranji chag dan stsibme smakhagun khoŋgunla stanna dzads. Tsoo jal pasaŋ lobtuggun maşanṭe thad. ²¹ Yeshui yaŋskyar khoŋgunla mols, "Konchoggi ʐide khyozaa nyampo lusshig, yabbi ɳa kalla dzadkhan tsogsla ɳeaŋ khyozagun kallad." ²² Tezug molte khoŋgunnika phu salla dzadte mols, "Dampe thugnyid lenshig. ²³ Galtes suziggii sdigpaa khyoze shagspa tajna Konchoggi khoŋgunni sdigpa shagspa salin, yaŋ galtes suziggii sdigpa khyoze shagspa mataŋna Konchoggi khoŋgunni sdigpa shagspa misal."

Tsoo Yesu Thomasla jal.

20:24 ne 31

²⁴ Lobtug cugnyissi ṭone cig Thomas (Kaboa tshagtuŋ zerradpin) Yesu skyoddi dusla ʐan lobtuggunni ṭoa medpin. ²⁵ ɶan lobtuggunni khoa zers, "Daze Tsoo jal."

Innaŋ Thomassi khoŋgunla zers, "Namtshogpa ɳe khoŋji chaggika zerui malgun mithoŋ yaŋ tegunni naŋja ɳari dzigu mitaŋ, yaŋ ɳari lagpa khoŋji stsibme naŋja tanste mane ɳa densheshes merag."

²⁶ Rduŋzagciggi stiŋne Yeshui lobtuggun yaŋskyar tenna khanpe naŋja dzomste Thomassan khoŋgun nyampo yodpin. Gho şanṭe cugste yodnaŋ Yesu skyodte khoŋgunni ṭoa ʐaŋste mols, "Konchoggi ʐide khyozaa nyampo lusshig." ²⁷ Tene khoŋji Thomasla mols, "Khyorajni dzigu ɳe lagpe naŋja tsugte stos, yaŋ lagpa ʂkyanste ɳe stsibme smakhe naŋja cug. Thetshoms phonste idshes cos."

²⁸ Thomassi Yeshua zers, "De Tsoo yaŋ ɳe Konchogle."

²⁹ Yeshui khoa mols, "Khyorajni ɳa thoŋs pasaŋ dadpa cos. Innaŋ ɳa mathoŋja dadpa cokhangunla Konchoggi cinlabs thobin."

³⁰ Yesu lobtuggun nyampo yod zane ʐan halasshessi dzadpa maŋpo dzads, kagun i ldebbi naŋja Griiste med. ³¹ Innaŋ khyozagunni Yesu khoŋraŋ Konchoggi ldamma dzadkhanni Mashika yaŋ Konchoggi şas inkhanboeka dadpa cocessi phia

ŋe i ldebbo Griiste in, yaŋ teboa dadpa cocespoe khyožagunla khoŋji waŋ gyudte thamedpe mitshe thobin.

Tsoo Yeshu lobṭug dunla jal.

21:1 ne 14

21 ¹ Tiberiyassi tshoe thama yaŋ lancig Yeshui khoŋraŋ lobṭuggunla sŋon cugga dzads, tebo izuggi cuŋs. ² Shimon Piṭar, tshagṭug zerkhanni Thomas, Galillii yuljoŋssi Kanapa Nathanniel, Zebeddie butsha nyisko daŋ yaŋ lobṭug nyissaŋ teru dzomste yodpin.

³ Tenna dusla Shimon Pitarri khoŋgunla zers, "Da nya zumma chad."

Khoŋgunni, "Dažaŋ nyampo yoŋin" zers. Tebo zerte khoŋgun ḥuziŋji naŋja ʐonte soŋ, innaj te tshan gaŋpo khoŋgunla nya mane makhad.

⁴ Namlajssacig Yeshu tshoe thama ʐanste yodpin, innaj lobṭuggunni khoŋ Yeshu inkhanbo ŋo mashes. ⁵ Yeshui khoŋgunla boddha dzadte, "Dzaogun khyožaa nya mathubba?" Mols.

Khoŋgunni, "Mathub" zers.

⁶ Yeshui khoŋgunla, "Khyože nyadolbo ḥuziŋji yas chogsla phoŋshig, tene khyožaa nya thubin" mols.

Khoŋgunni Yeshui molkhanbo cos, yaŋ izam nya mamaŋpo khad, nyadolbo ḥuziŋji naŋja thente khyoŋ manyan.

⁷ Tene Yeshui lobṭug cespaboe, Shimon Piṭarla zers, "Khoŋ ni Tsoole innog." Tebo tshorracig Shimon Pitarri khoranji Kospo gons (Kabo khoe sŋunla nya zumcessi phia phudte yodpin) yaŋ chui naŋja lcebleste thama soŋ. ⁸ Zan lobṭuggun ḥuziŋji naŋja nya gaŋskhanni nyadolbo ṭudin Piṭarri stiŋraŋne yoŋs, khoŋgun tshoe thamane ma thagriŋja medpin, halam mitar 92 zamshig. ⁹ Yaŋ thama lebbacig, khoŋgunni solle meka nya daŋ tagi ghun thoŋ.

¹⁰ Yeshui khoŋgunla, "Khyožagunni dagsa zumkhanni nya khacig ika khyoŋ" mols. ¹¹ Shimon Piṭar ḥuziŋji naŋja soŋte nyadolbo chui thama tshogpa ṭudte khyoŋs, kabu nya chenmo 153 gaŋste yodpin, nya tezam manpo yodteaj nyadolbo machad.

¹² Yeshui khoŋgunla, "Chinnan zala yoŋshig" mols. Lobṭuggunni ṭone suziggiaŋ khoŋja "Nyeraŋ su in?" Zerte ɖicessi hampa mayoŋs. Khoŋgunla khoŋ Tsoo ʐugste inkhanbo sheste inpin. ¹³ Yeshu me yodsa skyodte tagi namste khoŋgunla

sals, tenna tsogs khoṇji nya nyampo coa dzads. ¹⁴ Yeshu shikhangunni ṭone sontea ẓanjste stijne lan sumpa lobṭuggunla sñon cugga dzadte inpin.

Yeshu daṇ Shimon Pitar.

21:15 ne 25

¹⁵ Khongunni chinnan don tsharracig, Yeshui Shimon Pitarla dia dzads, "Shimon Yohananni butsha, denba khyoranji ḥa khongunni saj maṇja camspa coadaa?"

Khoe lantaṇs, "Coadle, Tsoo ḥe nyeranja camspa cokhanbo nyeranji khyennanog."

Yeshui khoa, "De luggun sos" mols. ¹⁶ Yeshui yañskyar khoa dia dzads, "Shimon Yohananni butshaa, denba khyoranji ḥa camspa coadaa?"

Khoe lantaṇs, "Coadle, kye Tsoo ḥe nyeranja camspa cokhanbo nyeranji khyennanog."

Yeshui khoa, "Tene ḥe luggun nyara cos" mols.

¹⁷ Khoṇji lan sumpa khoa dia dzads, "Yohananni butsha Shimon, khyoranji ḥa camspa coadaa?"

Yeshui khoa lan sumpa 'Khyoranji ḥa camspa coadaa' molte dia dzadspa Pitarla semssi naṇja phog, Pitarri zers, "Tsoo nyeranja citshajma khyennanog, ḥe nyeranja camspa cokhanbo nyeranji khyennanog."

Yeshui khoa, "De luggun sos" mols.

¹⁸ Yeshui mols, "De khyoranja denba denba zerrad, khyoraj khyogtoṇ yod zane, khyoraj raṇji Koslag gonte karu chen samnaṇ chadpin, innaj rgassadaṇ khyoranji lagpa škyajin yan ẓanmaziggi skonte khyoraj mathadkhanni sachagunla thidte khyerin." ¹⁹ Yeshui Pitar shitshulbo gyudte Konchogga spal khyoṇcespo khoa hagoesla tebo mols. Tene Yeshui khoa mols, "De stiṇraṇne ḫoṇs."

²⁰ Pitarri gyab logste staspa Yeshui lobṭug cespabo khongunni gyabne yoṇjadpin, kho, phitoggi dontaṇji dusla Yeshua nyeste "Kye Tsoo nyeranja ḥolog cocescanbo su in" zerte Griiskhanni lobṭugpo in. ²¹ Pitarri kho thoṇte Yeshua Griis, "Kye Tsoo khoa ci chen?"

²² Yeshui lansals, "Galtes ḥe ḥa logste yoṇyoṇ tshagpa kho sontea borra thadna khyoranja ci rag? Khyoraj ḥe stiṇraṇne ḫoṇs." ²³ Teboephia spungunni naṇja i lobṭugpo mane mishices innog zerte uya gyug. Innaṇ Yeshui kho mane mishi molte manpin, khoṇji, "Galtes ḥe ḥa logste yoṇyoṇ tshagpa kho sontea borra thadna khyoranja ci rag?" Cigpo molte inpin.

²⁴ Tenna lobtugpo ni i ldebbi nañja i tshañme skorla Griiste spañpo tañkhanbo in, yañ ñazagunla khoe spañpogun denba inkhanbo gyusyod. ²⁵ Yeshui ɣan manpo chaglassaq dzadte innog. Galtes te tshañma Griiste yodpinna, ñe sammarag i jigsten gañpoe nañja te ldebgun borse nassa medđo..